



50854

Mag. J. Dr.

P



50854

I



# FASCICVLVS SENTENTIARVM

RHITMICARVM, AD

COMMVNE COLLOQVIVM O-

mnibus perquam seruientium.

QVIBVS INSERTÆ SVNT

aliquæ ambiguitates ver-

borum.  
*Ex Libris Cont. Crac. Gram. Camelit. a D. H. H.*

Ad Lectorem.

*Hæc qui scire volebat libros mille legebat,*

*Ista sciet, crebro qui leget hocce libro,*

*Quem fert congestum tibi de tot millibus vnum,*

*Krasinius lechici culta propago soli.*

*Quod gratus paruum Lector ne despice donum,*

*Adiiciet grato munera plura dato.*

ILLVSTRI AC GENEROSO D.  
ALBERTO DE DROBNIN KRI-  
SKY: OLIM MAGNI CANCELLARI  
Reg. Polonię Filio Dño & Fratri suo amicissimo;

*In Nobile Krisciadum Stemma,*

*Generoso Dno Laurentio Milonskey  
Filio Magnifici Dni Hieronimi de Oporow  
Milonskey Dominiſcratoris Lupanæ Præſouen  
re re re Sec. Sac. Reg. Illus. Adomus  
Bernardus Bakowſky, petit accipiat  
in ſignum amonē placide Dniſtudioſus*

Ut Leo non curat quamuis ſit maximus hoſtis;  
Hunc minus aſt murum quum tenet, ille timet;  
Sic quoque Krisciadum metuit nil alma propago.  
Illius quoniam robore dextra valet.  
Et mage quę firmi teneant faſtigia muri,  
Nil conſcire illis murus aheneus eſt.  
Quod tua vel virtus cunctis monſtrabit vtrumque;  
O ALBERTE ſimul fortis eſ atque pius.



Abſti-



## Abſtinentia in cibo &amp; potu.

**EX** magna cena ſtomacho fit maxima pæna  
Vt ſis mane levis ſit tibi cena brevis.

Pone gula metas & erit tibi longior ætas  
Eſſe cupis ſanus ſit tibi parca manns.

Item.

Autumni fructus caueas ne ſint tibi luctus

Pauca voluptati debentur, plura ſaluti.

Parcus vſcendo, parciffimus eſto bibendo

Sanior eſſe poteſ, ſi cum moderamine poteſ.

Amor.

Nescio quid ſit amor, nec amo, nec amor, nec amati

Hoc ſcio quiſquis amat, tangitur igne graui.

Amare & non amari durum eſt.

Illi pæna datur qui ſemper amat nec amatur

Eſt amor ingratus cum non ſit amator amatus.

Nec modus nec requies niſi mors repe-  
ritur amoris.

Cedit amor verus ab amantiſ pectore ſerus.

Vnam ſemper amo cuius non ſoluor ab hamo

Amor vincit omnia

Blandus emitto dulci lita tella veneno

Sunt mihi præda homines, ſunt mihi præda Di.

Amor fugiendo vincitur.



## Sententiarum Rhythmicarum.

*Cede Venus cedit, si stas Venus improba ledit,  
Si fugias Veneris praelia tutus eris.*

*Qua specie Martis venit venit victoria Parthis.  
Hac Venerem fugias, qua fuit illa fugas  
Amor ex aspectu nascitur.*

*Est oculo gratum speculari semper amatum  
Non affectatur lumen quæ non speculatur,  
Amoris signum.*

*Pallida furtivum facies monstrabit amorem  
Qui pallent oculis procul absunt lumine cordis.  
Amans miser est.*

*Quot campo flores tot sunt in amore dolores  
Heu dolor est satis discedere rebus amatis.  
Amor obcæcat.*

*Cecat amor mentes quamvis sint hæ sapientes,  
Quamvis fadatur cuius placet hocque amatur.  
Quisquis amat ranam ranam putat esse dianam,  
Quisquis amat ceruam, ceruam putat esse Minervam  
Quisquis amat lusciam, lusciam putat esse venustam.*

*Item.*

*Vr̃ amor cecus non est amor arbiter æquus,  
Nam deforme p̃cus indicat esse decus.*

*Afflictio sæpe fatiat.*

*Vidi*

*Vidi saluatos prius anxietate grauatos.*

*Afflictis Deus adest.*

*Auxilium Christi venit ad nos tempore tristi,  
Quando timor maior, tunc Deus est propior.*

*Animalia hominem in quibusdam superantia.*

*Sus preit auditu linx visu, simia gustu,  
Vultur odoratu superat, aranea tactu.*

*Animalia elementis tantum viuientia.*

*Quatuor ex puris vitam degunt elementis,  
Chameleon, talpa, & maris alec, ac Salamandra,  
Alecem vnda fouet flamma pascunt Salamandram  
Nutrit aer, alit tellus talpam, sed Chameleontem.*

*Canis.*

*De cane laudando quatuor bene disco probando,  
Est lingua medicus, dominiq[ue] fidelis, amicus  
Aedes custodit, fures latrandoque prodit.*

*Sus.*

*Sus male pinguescit cum furfure, sed bene crescit.*

*Animalia quedam producentia ex se  
insecta.*

*Bos dat apes, bruchos dat equus, fucus quoque mulus,  
Dat vespas asinus, sic ait Isidorus.*

*Amicitia.*



## Sententiarum Rhythmicarum.

*Audiui dici quod duo sint semper amici.*

*Nemo sibi satis est eget omnis amicus amico.*

*Amicus certus in re in certa cernitur.*

*Hunc fidum dico bene qui succurrit amico*

*Sorte patet misera quæ sit dilectio vera.*

*Et veluti fuluum spectatur in ignibus aurum,*

*Tempore sic duro est inspicienda fides.*

*Amici cum fortuna mutantur.*

*Tempore felici multi numerantur amici*

*Dum fortuna perit, nullus amicus erit.*

*Amicus est per necessarius.*

*Usque amicorum bonus hic & ubique locorum.*

*Rex est mendicus cui non est ullus amicus.*

*Tunc mors optatur cum nullus amicus habetur*

*Amantium iræ amoris reconciliatio est.*

*Ira perit subito quam mouit amicus amico.*

*Amicus bonus auro preciosior.*

*Plus valet infido benefidus amicus amico*

*Quam nimium plena est auroque are crumena.*

*Amicorum omnia Communia.*

*Verum tibi dico quæ dicit amicus amico*

*Amico falso nihil peius.*

*Rebus in humanis tria sunt peiora venenis,*

*Perver-*



Fasciculus

*Perversus socius, mala femina falsus amicus.*

*Non est veridicus subridens omnis amicus.*

*Amici signum.*

*Verus amicus erit qui plus me quam mea querit.*

*Qui mea plus querit, falsus amicus erit.*

*Adulator.*

*Plus nocet lingua adulatoris quā gladio persecutoris.*

*Adulatio modo est utilis.*

*Blandus adulator cunctis modo charus amator*

*Tu quoque gratus eris si Parasitus eris.*

*Vel sic.*

*Si vis laudari si vis charusque vocari*

*Discas adulari nam tales sunt modo chari.*

*Arcana celanda.*

*Res occultanda tacitis sunt participande.*

*Omnibus ut placeas, quæ mala scis taceas.*

*Ars & Doctrina.*

*Ars cum doctrina certa est animi medicina.*

*Hanc si quis querit credite tutus erit.*

*Artium liberalium proprietates.*

*Grammatica ars loquitur Dialectica res meditaturs.*

*Rhythmos dulcisonos Musica dulcis habet.*

*Fert Arithmetica ars numerum, dat pondera rebus.*

*Metria at astra docens Astrologia potens.*

Artes liberales à iuuentute ample-  
ctendæ.

Disce bonas artes tenero quas tempore tractes  
Discere ne cesses si doctor maximus esses  
Artem scruteris quamuis opulentus haberis  
Audi doctrinam si vis euitare ruinam  
Doctrina cultus spernit nemo nisi stultus

Damna negligentis studiosi.

In studio tria damna luo si non bene disco,  
Nummos cosummo, modicum scio, tempora perdo.  
Si puer hoc sciret quantum doctrina valeret,  
Raro dormiret, sed nocte diuque studeret.

Item.

De studio sero redeuntem videro cum te,  
Ecce quid edisti non queram quidue bibisti,  
Aut quid fecisti, sed queram quid didicisti.  
Mens sine doctrina manet in te certa ruina.

Vtilitas Artium maxima.

Scribere tu modulari disce Latinaque fari  
Si pauper fueris, post modo diues eris  
Non sit Par stulto studuit qui tempore multo  
Non bene qui didicit, codrus egenus erit.

Quo spectat illud.

Exceptis Græcis exceptis atque Latinis,  
Barbarus hos præter dicitur omnis homo.

Item



*Vt ver dat florem, flos fructum, fructus odorem,  
Sic studium morem, mos sensum, sensusque honorem  
Musas discere bonas doctos sonet undique tellus,  
Artem qui sequitur pauper raro inuenietur.*

*Qui alios docet se ipsum docet.*

*Discere si quæris, doceas, sic ipse doceris,  
Et studio tali tibi proderis atque sodali.*

*Artes liberales hæc secum bona ferunt.*

*Ars valet, ars durat fortuna recedere curat,  
Res valet, ars præstat, si res perit ars mihi restat,  
Plus probo thesaurum docti quam diuitis aurum,  
Ars si portatur, tunc portans non oneratur,  
Ars fertur leuiter, tu discas ergo libenter.*

*Ars se se offert quærentibus eam.*

*Discat qui nescit nam sic sapientia crescit.*

*Affiduitas in studijs exigitur.*

*Quis puer auditus vel visus in arte peritus?  
Ni promptus fuerit, sic non doctus erit  
Surge puer vigila, canta, lege, discere, vel ora  
Et caueas pereat sine fructu qualibet hora  
Sic erit hora brevis, sic labor ipse levis*

*Affiduitate acquiritur doctrina.*

*Discere quærere, sape reuoluere, sit tibi cura  
Hæc tria sunt via qua sapientia sit palitura.*



*Gutta cauat lapidem non vi sed sæpe cadendo  
 Sic homo fit doctus non vi sed sæpe studendo  
 Frangitur ad latice nux iterando vices*

*Via ad Sapientiam consequendam.*

*Multa rogare rogata tenere, retenta docere,  
 Hec tria discipulum faciunt superare Magistrum.  
 Quære, recorderis, retine, & lege sæpe retenta  
 Sic omnes clauces tibi dat sapientia recta.*

*Astutia.*

*Astu vincit homo cuncta creata Solo.*

*Auaritia fugienda.*

*Luxum omnem fugito, simul euitare memento.  
 Crimen auaricie, nam sunt contraria fama.*

*Auari odiosi sunt hominibus.*

*Nunquam stat clarus nec tutus diues avarus.*

*Avarus semper eget.*

*Æstimat esse parum sibi quicquid habet cor avarum  
 Omnia des cupido sua non perit inde cupido.  
 Diues semper hiat pars maior quo sibi fiat  
 Non est in mundo diues qui dicat: abundo.*

*Item.*

*Orco siue mari cor æquiparatur avari.  
 Hec magis optantur quæ plenius accumulatur,  
 Nam faciunt mentem semper maiora petentem.*

*Perpe-*

Perpetuo lignis crescit crescentibus ignis,  
Et quo plus pota, plus siciuntur aquae.

Cupidus magis maiori damno afficitur.  
Qui binos vna lepores sectabitur hora,  
Vno quandoque & quandoque carebit utroque.

Auarus congesto pauper in auro.  
Crescit amor numini quantum ipsa pecunia crescit,  
Et cupidus mihi sat numerorum dicere nescit.  
Dives es ut Cræsus, sed viuis pauper ut Irus,  
Quid tibi cum nummis si pauper viuere tu vis.  
O nulli chari quibus hoc est nomen avari  
Vos faciunt inopes quas cumulatis opes.

Auarus requirit prodigum.  
Aurum quod seruas & quicquid avarus acernas,  
Quot parcus quæres effundet prodigus heres.  
Prodigus est natus de parco patre creatus.

Auari non sibi sed alijs thesaurifant.  
Ut sibi nulla bidens alijs sed vellera portat  
Sic alijs cumulat diues avarus opes.

Auari misere viuunt.  
Dormit nocte parum gestans cor semper avarum,  
Terror est plenus ne quando fiat egenus.  
Diuitis Ostia sunt clausa sed non sine causa.  
Nam metuit dentes quos portant esurientes.

Item.

Casus



10  
Sententiarum Rhythmicarum.

*Caseus est carus sic dixit praesul avarus,  
Non inscindatur sed profectis teneatur.  
Non obulus solus pingue parabit olus.*

Audaces fortuna iuuat.

*Qui plus exponit, plus lucri saepe reponit  
Qui lucra parua fugit damna repente subit.*

Aula.

*Aula quid est morum corruptio praua bonorum  
In constans, fallax, certa & sentina malorum.*

Aula non cuilibet amica.

*Retro sedet valuam non inuitatus ad aulam.*

Item.

*Stabit post valuam non inuitatus in aulam.*

*Qui cupit esse pius longe discedat  
ab aula.*

*Fetor olet caula melius quam nobilis aula.*

*Vita Palatina heu dura est animaeque ruina.*

*Quo plus aulicus es, minus es pietatis amicus,*

*Si cupis esse pius, refuget aula prius.*

Kyrie qui senuere canant Eleison  
in aula.

*Regum sollicita quicunque senescit in aula,*

*Aut fuit aut semper postulat esse miser.*

Adam primus homo.

*Adam primus homo damnauit secula pomo.*

*Absculit*



Fasciculus.

*Abstulit hoc damnum filius ipse Dei.*

Æger.

*Ingemit agrotus quia languet corpore totus.**In infirmitate citius ad Deum conuertimur.**Quando languebat monachus bonus esse volebat.**Sed dum conualuit, mansit ut antefuit.*

Accuso Incuso.

*Incuso Dominos, accuso sæpe minores*

Æquus &amp; Equus.

Ambiguitates.

*Non est dignus equo cui carior est equus æquo.*

Affinis, Confinis.

*Affinis genere est, confinis sanguinitate,*

Ara &amp; Hara.

*Est Hara porcorum, sed dicitur ara Deorum.*

Assensus, Consensus.

*Assensum verbis, consensum dicere factis.*

BAPTISMVS.

*Induitur Christo qui Baptisatur in isto.*

Bellum.

*Miles amans belli faciat omnia iure duelli,**Ludit, Scottatur, rapit omne, cruore beatur.*

Dulce bellum inexpertis.

*Qui vult in bellum, nescit bene noscere bellum.*

Martis

## Sententiarum Rhythmicarum.

Martis incerta alea & dubius euentus.

*Est nulli certum cui det victoria fertum  
Et tamen hoc munus semper habeo bonus.*

Nulla fides pietasque viris qui castra  
sequuntur.

*Quid mihi cum bellis, seruit mea cura puellis,  
Mars modo desperat, me Venus alma beat.*

Bene faciendum proximo.

*Fac bene dum viuis, post mortem viuere si vis,  
Huic bona qui praestat, calum post fama que restat.*

Item.

*Da cito, da gratis, da munera digna cuique,  
Cum dare non poteris munera, verba dabis.*

*Qui mihi vult dare non debet mihi dicere: Quare?*

Bonum imitandum.

*Si vis saluari semper studeas imitari  
Vitam iustorum, fugias exempla malorum.*

Basium, Osculum, Suauium.

*Basia coniugibus, verum oscula dantur amicis,  
Suauia lasciuis miscentur grata puellis.*

Ambiguitates.

Bellum, Duellum, Pugna, Prælium.

*Multorum bellum, fit binorum fit que duellum,  
Pugna virorum fit, sed prelia dic mulierum.*



Fasciculus  
CÆCITAS.

*Cæcos cum claudis in fine venire videbis.*

Cæci vita misera.

*Cæcus inops dictus quamuis variis sit amictus.*

Neque cæcum ductu neque amentem  
consilio adhibe.

*Cæcus agens cæcum facit illum sternere secum*

*Stultus cum suadet non recte singula tradet.*

Vel sic.

*Dum cæcus cæcum conatur ducere secum,*

*In foveam ductor cadit, atque deinde sequitur.*

Campana.

*En ego campana haud quaquam denuncio vana,*

*Laudo Deum verum, populum voco, congrego clerum*

*Funera plango fulgura pello, sabbata pango,*

*Excito lentos, dissipo ventos, paco cruentos.*

Captiuitas.

*Nil prodest vno constringi vel pede bino.*

Caritas.

*Care taxata haut mihi res est vendita grata.*

Castitas.

*Despice factorem Veneris, sectare pudorem,*

*Si castus fueris, Christum super astra videbis.*

Virginitas irreuocabilis.

*Bis duo signavi quæ non possunt renocari  
 Virginitas, tempus dictum verbumque, iuuentus.*

## Concordia.

*Lis odium gignit, charos concordia stringit*

*Conscientia mala morsus anime.*

*Me miserum quid agam? porto sub pectore plagam,  
 Tanquam si portem sub eodem pectore mortem.*

*Secura conscientia iuge conuiuium.*

*Qui sibi nil conscit secura mente quiescit.*

## Consilium.

*Non ad præteritum Consul valet, imo futurum  
 Consilium verum, hoc anima est certissima rerum.  
 Vtere Consiliis ut sapius inde iuueris.*

*Consilium non cuiuslibet esse con-  
 temnendum.*

*Non contemnatur quisquis bene consiliatur.  
 Nec sit neglecta serui sententia recta,  
 Sæpe etiam stultus fuit oportuna locutus,  
 Et calat nucleos arida testa bonos.*

*Consortium malum fugiendum.*

*Qui conuersatur cum Sanctis sanctificatur  
 Dum spectant oculi lesos leduntur & ipsi  
 Filialis eris qualem socium tibi quæris  
 Surgit origo mali de turpi sæpe sodali.*

Con-



## Fasciculus

## Consuetudo induit naturam.

*Consuetudo potens natura fortior ipsa,  
Fallere qui didicit, falere semper amat,  
Turpia qui didicit, turpia semper amat,  
Ire cathennatus nescit canis inueteratus  
Quot noua testa capit, inueterata sapit.*

## Conuiuium.

*In mensa residens & panem non benedicens,  
Ille sedet quasi sus, surget quoque sicut aselus*

## Benedictio Mensæ.

*Alma Dei dextra hæc benedicat prandia nostra,  
Esca presentes benedic Deus & comedentes,  
Potum seruorum benedic Deus alme tuorum.  
Et reliquum munus benedicat trinus & unus.*

## Vel sic.

*Hic cibus & potus per Christum sit benedictus,  
Per te Rex Christe benedictus sit cibus iste.  
Nos conuiuentes benedic Deus & epulantes.  
Præsens hic victus per Christum sit benedictus.*

## Mores mensæ.

*Absit a mensa detractio, murmur, & ira,  
Sed cum lætitia summatum potus & esca,  
Absint offensæ cum sit celebratio mensæ,*

B

Dum

*Dum conuiuaris, caueas ne multa loquaris,  
 Pocula dum summis fac mergas labra modeste,  
 Qui prepefert nasum potum non summit honeste.  
 Qua prandes hora cultrum male mittis in ora,  
 Fit similis sculto qui mandere vult sine cultro.*

## Item.

*Sal primo poni debet primoque reponi,  
 Nam tibi mensa male ponitur asque sale.  
 Nec bene prandebit potu quicumque carebit.*

## Gratiarum actio post mensam.

*Nunc ex hoc esu soli tibi laus sit Iesu  
 Atque sit inuidtus Deus omnipotens benedictus.*

## Caseus.

*Post pisces nuces, post carnes caseus adsit,  
 Caseus & panis sunt optima fercula sanis.*

## Cereuisia.

*Densa facit densos capiti cereuisia fumos  
 Sanguinem nutriend, carnis & ipsa parens  
 Tumque sitim petit ventrem subducit & inlat*

## Caro porcina.

*Carnes porcinae cum capis sunt medicinae.*



## Contentiones fugiendæ.

*Laudo quod vites fili charissime lites  
 Lis odium gignit, charos concordia stringit,  
 Certamen, lites, rixas, & iurgia vites,  
 Verba parant litem, lis praelia, praelia mortem.*

*Concordia res parvæ crescunt discor-  
 dia maximæ dilabuntur.*

*Gaudent prædones cum discordant regiones,  
 Ni concors fuerit gens cito cuncta perit.*

## Clementia.

*Quo magis es dignus, mage debes esse benignus.  
 Et quo maior eris moderatior esse teneris.*

## Reges decet clementia.

*Ad poenam tardus, sit rex ad præmia velox,  
 Et doleat quoties cogitur esse ferox.  
 Parcere subiectis scit nobilis ira leonis.*

*Fr Serapion Rodetkomer S P M 1682.*

## Clericus.

*Clericus annosus, licet imber sit furiosus,  
 Frigor a non curat quam dudum oblatio durat.  
 Clericus in mense semper vult rusticus esse.*

*Cito fit, cito perit quandoque.*

*Quæ subito veniunt, subito quandoque recedunt,*

Quod cito lucratur, cito perditur annihilatur.

Crapula sanitati multum obest.

*Ad* De plenis Cyathis multos periisse sciatis  
*Q* Sicut sobrietas facit ut sit longior ætas,  
*et* Sic facit ebrietas vitæ breuiare dietas.  
 Viuere vis letus, vel sana mente quietus,  
 Dæmonis ut linum, sic mordax effuge vinum.

Cura.

Cura facit canos quamuis homo non habet annos,  
 Interpone tuis interdum gaudia curis  
 Non semper mæstus sis certo tempore letus.

Canis.

Latrat in æde canis, nat in æquore, fulget in astris.

Carbo, Pruna.

Dum calet est pruna, ast carbo dum desinit ignis

Cæsaries, Coma, Crinis, Iuba.

quo differant.

Est coma quadrupedis, colubri iuba siue leonis,  
 Cæsaries hominis, crinis est proprie mulieris.

Capistrum frænum.

De ferro frænum, constat de fune capistrum.

Cerno, Considero.

Corpo-



Fasciulus.

19.

*Corporeis oculis cerno, considero mente.*

Confiteor, Fateor.

*Confiteor sponte, fateor mea facta coacte*

Consummere, & Consumare.

*Consumare meum exopto consumere nolo.*

Conuentus, Conuenticulum.

*Est monachorum conuentus, hominumque  
piorum*

*Sed conuenticulum dicas pietate carentum.*

Corrusco, mico, radio.

*Sol radiat, mucroque micat, fulgurque coruscat.*

Cubo cum suis compositis.

*Accumbens dormit, discumbens fercula summit,*

*Concumbens violat, procumbens numen adorat,*

*Occumbens moritur, victus succumbere fertur,*

*Qui cubat aegrotat, vigil excubat, incubat ales.*

Cubitum, cubatum.

*Sanus eo cubitum, male sanus vado cubatum*

DAMNUM.

*Afsiduo damnum crescit cura, atque querela.*

*Nescit homo vere quid habet nisi cesset habere.*

B 3

Quæ

Quæ damnosa sunt.

Sunt tria damna: macra, nempe: anser femina,  
capra,

Lac capra non promens, expers pinguedinis anser,  
Et sine dote vxor, sunt tria damna viri.

Dare est melius quam accipere.

Illum nullus amat qui semper da mihi clamat

Qui dat nilque petit, gratior ille manet.

Qui dare vult aliis non debet dicere: vultis?

Sed dicat plene; dulcis amice tene.

Pauperibus fac des, præstare haut talia tardes,

A Domino recipit qui sua sæpe dedit.

Qui cito dat, bis dat.

Dandi tolle moras, dando cito munus honoras,

Munus dedecoras, inueniendo moras,

Qui cito dat bis dat, qui tardat munera nil dat.

Plus valet hoc, tribuo, quam tribuenda duo.

Animus magis quam donum inspic-  
endus.

Dat bene, dat multum, qui dat cum munere vultum

Gratia debetur pro munere si cito detur,

Sed si tardetur, non gratum munus habetur.

Pa tua dum tua sunt, post mortem iam tua non  
sunt.

Deli-



## Deliciæ.

*Mentes corruptas excæcat blanda voluptas.*

*Delicijs ad astra non itur.*

*Fle si letari ieiuna si saturari,*

*Da si ditari, serui si vis dominari.*

*Sperne voluptatem pulchram cole sobrietatem,*

*Hæc quos prostravit, virtutibus euacuauit,*

*Hæc quos subiecit, pecudes sine robore fecit;*

*Hæc regit, hæc munit, superis coniungit & vnit.*

## Deus.

*Quærit adorari, non sibi dona dari.*

*Deo nihil est melius.*

*Auro quid melius? Iaspis, quid Iaspide? virtus,*

*Quid virtute? Deus, quid Deitate? nihil,*

*Factum factori summo præponere noli.*

*Deus quos amat castigat.*

*Hic homo torquetur, quo sic patiendo probetur,*

*Vt mens purgetur, quo præmia plura lucretur,*

*Ne sublimetur sed Christo gloria detur*

*Et præseruetur ne perpetuo crucietur.*

## Item.

*Qui modo torquetur nescit quam magna lucretur,*

*Cum furit atque ferit Deus, hic mox parcere querit,  
Nunquam bella piis nunquam certamina de sunt,  
Et cum quo certet mens pia semper habet.*

**Ex creaturis Deus cognoscitur.**

*Emicat ex ipsis Diuina potentia rebus  
Omnis in orbe locus fert Deitatis opus.*

**Deus dedit, Deus abstulit.**

*Dat Deus & recipit quod nobis contulit ipse,  
Destruit & rodit sors omnia quae Deus odit.*

**Diuina ope opus est sine qua nihil boni  
facere possumus.**

*Ex ope caelestis fit si quid habetur honesti,  
Et venit a superis quod agis bene, vel mediteris,  
Frustra conatur cui non Deus auxiliatur.*

**Item.**

*Non Deus est mendax promissa fideliter seruat,  
Credite desertos non sinit esse suos.*

**Deus ultro suppeditat sua dona.**

*Panibus ex quinis, & pisciculis quoque binis,  
Dextra Diuina faciat antur millia quina.*

**Si Deus nobiscum quis contra nos.**

*Si Deus*



*Si Deus ipse iuuat, mihi prospera vita perennat  
In Domino dirum, mortificabo virum.*

**Ex fructu arbor cognoscitur.**

*Affectus mentis facti patet experimentis,  
Arbor ut ex fructu, sic nequam noscitur actu.*

**De alieno corio ludere.**

*Læditur Urbanus non claudicat inde Romanus  
Scindo corrigias expelle tua mihi latas,  
Si calcar proprium sit, equus tuus, ambulo multum.*

**Debitum.**

*Debita solue cito ne damnum detur amico,  
Si cito non soluis, te sponte crimine voluis.  
Debita quæ debes reddendo soluere debes.*

**Reddite quæ sunt Cæsaris Cæsari &  
quæ Dei Deo.**

*Cum Deus in calis, Cæsar regat omnia terris,  
Censum Cæsaribus soluite, vota Deo.*

**Desidia, Ignauia, Pigritia.**

*Quæritur Ægistus quare sit factus adulter,  
In promptu causa est; desidiosus erat,  
O mihi præteritos reuocet si Iuppiter annos.  
Sera nimis stultæ est cantio desidiæ.*

*Catthus edit piscem sed non vult tangere flumen.*

### Detractores, Detratio.

*Si decus est morum ne cures verba malorum.*

### Item.

*Qui mea post terga loquitur mordacia verba,  
Vellem quo linguam perderet ille suam.*

### In detractorem.

*Qui me ledere dente vis canino,  
Te circumspice protinus tacebis.*

### Diabolus.

*Demon crede crucem fugit, ut malus undique lucem  
Damon lucratur iam quo Deus expoliatur.*

### Diues.

*Quis vere locuples? cui famulantur opes.*

### Diuitiæ.

*Diuitiis uti res est aduersa salutì,  
Diuitis est raro sanctificata caro.*

### Diuitiæ auctoritatem conciliant.

*Dum diues loquitur, verbum Salomonis habetur,  
Dum pauper loquitur, tam barbarus esse videtur.  
Dum moritur diues concurrunt undique ciues,*

*Dum*



*Dum moritur pauper, currit vix vnus & alter.  
O diues diues non omni tempore viues  
Tempore nam paruo tu iam migrabis ab auro.*

Plus est sollicitus magis beatus.

*Dormit nocte parum possessor diuitiarum,  
Hunc timor exagitat, quem gaza superflua ditat.  
Quid facies diues nunquam tutus bene viues,  
Quo te conuertas, quo cursum perdetes veritas,  
Reddit Sollicitum te copia denariorum.*

Qui nihil cupit diues est.

*Trist*

*Cui satis est quod habet, satis illum constat habere,  
Cui nihil est quod habet satis illum constat egere;  
Ergo facit virtus non copia sufficientem,  
Et non paupertas, sed mentis hiatus egentem.  
Semper egenus eris, si semper plus tibi quaris,  
Cum contentus eris, diues tunc efficieris.*

Discere.

*Discat qui nescit nam sic sapientia crescit.  
Multi scire volunt sed vere discere nolunt.  
Disce libens quid dulcius est quam discere multa,  
Discentem comitantur opes, comitantur honores.  
Haurit aquam cribro qui discere vult sine libro.*

Vel sic.

*Doctus*

*Doctus neglectis qui vult euadere libris,  
Nil profecturis littora bobus arat.*

Via ad veram doctrinam consequen-  
dam.

*Si studuisse velis, tria cauta mente tenebis;  
Sis humilis, castus, paruoque cibamine pastus.*

Domus.

*Gaudeat illa domus, quando bonus est sibi pronus.*

Damna domus cuiuslibet.

*Sunt tria damna domus: nimbus mala femina,  
fumus,*

*Quartum cum mane surgunt pueri sine pane*

Dominus.

*Nemo potest dominis simul in seruire duobus,  
Deficit ambobus qui vult seruire duobus.*

Nonnulla dominos pauperes efficientia.  
*Nempe canis, & aues serui multique caballi,  
Dicuntur dominos saepe vorares suos.*

Dormitatio, id est somnolentia.  
*Qui iacet in lecto lucem spectando diei,  
Sensus & utilitas tardius dantur ei.*



## Fasciculus

Vigilantem esse oportet.

*Plus vigila semper, nec somno deditus esto,  
Nam diuturna quies viciis alimenta ministrat;*

Decedo, Discedo.

*Decedit moriens, discedit ab vrbe recedens*

Decorus, Pulcher.

*Te virtus pulchrum, reddit natura decorum.*

Donum, Munus.

*Dat meritum munus, sed confert gratia donum*

Duco, Nubo.

*Vir sponsam ducit, sed sponso fœmina nubit.*

E B R I E T A S,

Vinolentia, Bibacitas.

*Simiolos facit ebrietas, facit & salomones,*

*Samsones, nec non efficit illa sues.*

*Ebrius est Samson, Salomon, sus, simia, Cræsus,*

*Tam variis polet dotibus ebrietas.*

Effectus ebrietatis.

*Pis sex credatis species sunt ebrietatis:*

*Ebrius est primus, sapiens, est alter optimus,*

Sententiarum Rhythmicarum.

Ternus grande vorat, quartus sua crimina plorat,  
 Quintus luxuriat, sextus per nomina iurat,  
 Septimus accendit, bis quartus singula vendit,  
 Nonus nil celat quod habet sub corde reuellt,  
 Somnia denu amans, vndenus turpia clamans,  
 Et cum fit plenus vomitum facit & duodenus.

Item.

*De* Ebrius atque satur signis his ecce vagatur,  
 Hic canit, hic plorat, hic est blasphemus, hic orat,  
 Hic est pacificus, fit mox nullius amicus,  
 Hic saltat letus, post est sermone facetus,  
 Hic loquies nescit, tum cespitat, ille pigrescit,  
 Hic est clamosus, hic est verbis viciosus,  
 Disputat hic, ille est currens per compita villæ,  
 Hic seruit Veneri, somno vult ille teneri,  
 Nunc vomit atque vorat, sic Bacchi turba laborat.

Ebrietate mutatur homo.

Bacchus & argentum mutant mores sapientum,  
 Reddunt delirum: fœmina, vina virum.

*De* Ebrietas opes & honores minuit.  
 Diues eram dudum, me fecerunt tria nudum,  
 Alea, vina, Venus, tribus his sum factus egenus.



*O fili sperne delectamenta tabernæ,  
Tali dulcore multi priuantur honore.  
Quod in corde sobrii hoc in lingua ebrii  
Ebrietas prodit quod amat cor, siue quod odit.*

**Sapientia vino abuntur.**

*Ebrietas frangit quicquid sapientia tangit,  
Ebrius atque satur nunquam bene Philosophatur.  
Fecundi calices nunquam faciunt sapientes.*

**Ebriosus optaret sibi gruis collum.**

*Primo quando bibo cupio plus gutturis, imo  
In cordis fundo iubilo dum lambo secundo,  
Per tertium potum vix vinum fit mihi notum,  
Me potus letum quartus facit atque facerum,  
Et potus quintus letari mentem facit intus,  
Et bibo cum bis ter sum qualibet arte magister,  
Potu septeno velut equus sum sine freno,  
Potus bis quartus sensus mihi tollit & artus,  
In potu nono iam tum mea singula dono,  
In potu deno demens sum gutture pleno.  
Omnibus est notum quod valde diligo potum,  
Si possem vellem pro potu ponere pellem.*

**Sine Cerere & Baccho friget Venus.**

*Reple-*

## Sententiarum Rhythmicarum.

*Repletus venter vult luxuriare libenter,  
Luxuriat raro non bene pasta caro.*

## Exitus rei alicuius.

*Exitus ostendit quo mundi gloria tendit  
Laus in fine sonat, virtus in fine coronat.*

## Exitus actu probat.

*Id. Præmia sanctorum pendent a fine laborum,  
Et scriptura sonat: finis non pugna coronat.*

## Item.

*Quod niue contegitur dum nix perit omne videtur,  
Quando tumet venter, produntur facta latenter.*

## Expensæ sunt moderandæ.

*Qui plura expendit quam rerum cura rependit,  
Non admiretur si paupertate grauetur.*

## Factum bene, male.

*Non laudo factum nisi sit cito vel bene factum.  
Verbum laudatur si factum tale sequatur.*

## Item.

*Ex meritis vitæ dependent ite, venite,*



*Premia cælicolum qui benefecit, habet.*

*Facta male alterius non cælenda.*

*Si mihi parebis nunquam malefacta silebis,  
Nam mala qui calat se consentire reuelat.*

*Quod tibi non vis fieri alteri ne feceris.*

*Quod sibi quis fieri nolit non inferat ulli,  
Hoc facias fieri quod cupis ipse sibi.*

*Fallacia.*

*Non capitur vacuis manibus vetus vlla voluerit,  
Nec vulpes laqueo prenditur absque cibo,  
Prendite feruenter mures, sine voce latenter,  
Muribus insidians cattus vt ipse facit.*

*Fallaces homines vitato.*

*Si non vis falli fugias consortia calui,  
Extra cerne sophum, cernas sub pectore vulpem.*

*Fallaces sermones vitato.*

*Sunt tibi vitandi sermones vndique blandi,  
Pelle sub agnina latitat mens sæpe lupina,  
Decipit esca feras, homines blandissa verba;*

*Nec credas isti semel a quo læsus ab isti.*

*Fames.*

*Esuriens stomachus fertur cocus optimus esse,  
Ori dulcescit faba frigida quando famescit.*

*Fides.*

*Ni sit nota fides ignoto non bene fides.*

*Fide, sed cui vide.*

*Qui leuiter credit, deceptus sæpe recedit,  
Ne credas balbis, ne credas vestibis albis.*

*Nusquam tuta fides.*

*Heu quam parua fides reperitur nunc apud omnes,  
Iam frater fratrem fallit, nasus quoque patrem,  
Quis modo pro socio vult quæso soluere? nemo.  
Omni spiritui tu semper credere noli.*

*Finis coronat opus.*

*Te modicum iacta, quoniam probat exitus acta,  
Totum laudatur, si finis laude putatur.*

*Forma corporis.*

*Vix poteris aliquam pulchram reperire pudicam*

*Esse*



*Esse solet raro pulchra pudica caro.*

Formosi sunt viciosi.

*Rarus erit pulcher qui non sit factus adulter,  
Lis nam cum forma est magna pudicitur.*

Non formis sed genus aspiciendum.

*Dat probitas speciem, sed non species probitatem,  
Qui probitate caret, nil sua forma valet.*

Nam.

*Si bene barbatum faceret sua barba beatum,  
Nullus in hoc circo queat esse beatior hirco.*

Fauor, beneuolentia.

*Fratria regalis non est res perpetualis,  
Gratia Magnatum nescit habere statum.*

Flores.

*Non laudo florem qui nullum præbet odorem  
Cuique odor est melior, flos erit utilior.*

Fortuna.

*Rebus tranquillis metuas aduersa sub illis*

*Fortunæ excessus mutat hominīs cito gressus.*

**Fortuna inæqualis omnibus.**

*Non est æqualis sors omnibus & generalis,  
Omnia mutantur magis, ac magis & variantur.  
O bona fortuna cur non es omnibus vna?  
Dixit fortuna: si starem sorte sub vna  
Et non mutarer, tunc non fortuna vocarer.*

**Fortuna variabilis.**

*Vultus fortunæ variatur imagine lunæ,  
Crescit, decrescitque in eodem sistere nescit.*

*Idæ* **Fortuna quem fouet stultum efficit.**

*Forma, fauor populi, feruor iuuenilis, opesque  
Hæc tibi demonstrant, per bona quid sit homo.*

**Asperius nil est misero cum surgit in  
altum.**

*Dum surgunt miseri, nolunt miseris misereri.  
Corde stat inflatus qui pauper honore beatus  
Non vult scire satur quid ieiunus patiatur,  
Non vult scire socrus quid fuit illa nurus.*



Fortunam sibi quisque parat.

Dicitur a multis: fors est contraria stultis:  
Nullus homo est natus qui ex omni parte beatus

Alterat humanos fors malefica status.

Non sibi concordem spondent exordia finem,  
En modo vadit equus, qui solet ire pedes,  
Glorior elatus, descendendo mortificatus,  
Infimus axe teror, rursus ad astra vehor.  
Hoc est consuetum comitantur tristia letum,  
Irus & est subito qui modo Cræsus erat

Fortuna omnia versat.

Quos vult fors ditat, quos non vult sub pede tritat  
Mutat fortuna ipsa vota stans cuncta sub vna.  
Tempora passiva hæc rident fugiuntque dativa,  
Gaudia dant luctus, bonus est post tristia fructus.  
Si fortuna volet fiet de Rhetore consul,  
Si fortuna nolet, fiet de Consule Rhetor.

Fratres.

Si videas fratres inter se bella gerentes  
Neutri confer opem, sed eorum corrige mentem.

*Phenix sed rarior est concordia fratrum.*

**Fur, Furta.**

*Si semel es furans, furis ritulum accipe durans*

**Fures domestici.**

*Quisquis habet cultum, lacerumque foramine  
saccum,*

*Et corruum, mures, cerros habet hic sibi fures.*

**Furto res ablata magis sapit.**

*Furtius potus plenus dulcedine totus,  
Hoc magis crede sapit, quod sibi quisque capit.*

**Occasio facit furem.**

*Hora, locus, faciunt quod fures non sua tollunt,  
Si videor ludo, si non, tunc furta recludo.*

**Fures punendi.**

*Fur furatur equum, suspenditur & manet æquum,  
Tum fiunt paces, cum pendens fune rapaces.  
Audax furando, furtum timet haut aliquando.*

**Futura.**



*Per vigili cura semper meditare futura*

*Solius est Dei nosse futura.*

*Cursus ventorum nescit pars vlla virorum,  
Præterit ista dies, nescitur origo secundi,  
Sit labor an requies? sic transit gloria mundi.  
Soli crede meo nosse futura Deo.*

*Prouide futura si vis esse sine cura.*

*Disce quid es, quid eris, memor esto quæ morieris.*

*Forceps, Forfex, Forpex.*

*Fex est filorum, ceps ferri, pexque capillum*

*Falgere, Nitere, Splendere.*

*Gemma nitet, Sydus splendet, candelaque lucet.*

*Fur, Latro.*

*Fur non est latro, quia tempore fur rapit atro,  
Tempore non atro rapit omnes res tibi latro.*

*Fur, Furfur.*

*Fur simplex latro, geminatum f. t. cibus apro.*

## GARRVLITAS.

*Si cupias pacem linguam compesce loquacem,  
Iurgia dat multa hæc dum profert verbula stulta.  
Virtutem primam esse putes compescere linguam  
Proximus ille Deo qui scit ratione tacere.*

## Gaudium.

*Interpone tuis interdum gaudia curis,  
Tempora gaudendi sunt, tempora certa dolendi.*

## Ultima gaudij occupat luctus.

*Felt latet in melle, & nec mel bibitur sine felle,  
Frigora post soles, post gaudia sæpe dolores;  
Hoc est consuetum comitantur tristia lætum,  
Postquam gaudebis, rursus post gaudia flebis.  
Gaudia terrena hæc non esse queunt sine pæna,  
Gaudia Diuina semper sunt absque ruina.*

## Spiritus tristis exficcat ossa.

*Cor triste, ira frequens, mens raro gaudia voluens,  
Hæc nimis abbreviant vitam, nam corpora macrant*

## Gloria.

*Cura plenus eris, si vis ut glorificeris,*

*Gloria*



*Gloria caelestis fit corde & corpore castis.*

### Gratia.

*Gratia grata magis subita est, dilata molesta.*

### Gratia gratiam parit.

*Officiis gratus sis, ut fias adamatius,  
Sape solet dici: serit hic rem dextera amici;  
Si des plorando, perdis tua munera dando.  
Debet parua dare hic qui vult maiora rogare,  
Da quandoque tuum si cupis inde meum.*

### Gratitudo.

*Sit cordis festum panem meminisse comestum;  
Arbor honoretur cuius nos umbra tuetur,*

### Gallus.

*Gallus avis, populus, fluvius, Bacchique sacerdos*

*Galerus, Mithra, Pileus, Thiara.*

*Pileus est iuuenum, peregrinatumque galerus,  
Praefulis est mithra, fit nobiliumque thiara.*

*Genero, Gigno, Pario.*

*Femina sola parit, generat vir, gignit uterque.*

*Grates, Gratia.*

*Gratia sit Christo, grates referamus amico.*

*Homo.*

*Mentem de cælo, corpus trahit ex elementis,  
Ut terras habitez corpore, mente polum.*

*Quid sit homo? breuiter dicendo somnus & umbra,  
Spiritus ore fluens, ventus, & umbra leuis.*

*Item.*

*Est homo res fragilis que durat tempore paruo  
Est igitur similis flori qui crescit in auro.*

*Cum fex, cum limus, cum res vilissima simus,  
Vnde superbimus cum terrā terra redimus?*

*Formatio hominis in vtero.*

*Sex in lacte dies, ter sunt in sanguine trini  
Bis seni carnem, ter seni membra figurant.*

*Partes hominis ex quibus constat.*

*Ossibus ex denis bis centenisque nouenis  
Constat homo, denis bis dentibus & duodenis,*



*Ex tercentenis decies sex quinqueque venis.  
Dat cerebrum sensum, vitam cor hepar nutrimentū  
Cor sapit, ac pulmo loquitur, fel commouet iram,  
Splen ridere facit, cogit amare iecur.*

## Hominis miseria.

Tide

*Est hominum status per florem significatus,  
Ut flos cito perit, sic homo puluis erit.  
Cur caro lataris quæ vermibus esca pararis,  
Cur non praua sinis, puluis es atque cinis.  
Quid caro? vilis humus, quid carnis gloria? fumus.  
Nos quoque terra sumus nam caro fiet humus.  
Puluis & umbra sumus, puluis nil est nisi fumus,  
Sed nihil est fumus, nos nihil ergo sumus.*

## Hinc ergo.

Tide

*Quid sis, quid fueris, quid eris, semper mediteris  
Sic minus, atque minus peccatis subiiceris,  
Sperma prius, modo saccus olens, post vermibus esca.*

## Honor.

Tide

*Res honor est dulcis, sed magnum pondus honoris.*

Honores mutant mores-

Sape

*Sæpe suos mores homo mutat propter honores  
Interea similis permanet ille sibi.*

*Honores magis onera sunt.*

*Ec quid honos? onus est & nil nisi sarcina quædam,  
Si queratur honos, non fugiatur onus.*

*Res sacræ & imagines in honore habendæ.  
Effigiem Christi semper dum transis honora,  
Non tamen effigiem, sed quem designat adora,*

*Item.*

*Non hunc ut Christum, sed Christum crede per istum*

*Sacra ne prophanes.*

*Ex templo gentes Christus percussit ementes.  
Expellit templo Christus qui sacra prophanant.*

*Hospes Hospitalitas.*

*Hospitis in mensa vultum non fercula pensa.*

*Item.*

*Dum mea bursa sonat caupo mihi fercula donat.*

*Item.*

*Vesca-*



*Vescatur propria cui non placet hospitis esca,  
Esca datur gratis vinum mos est vt ematis.*

*Afsiduus hospes minus gratus fit.*

*Post tres sæpe dies sordescit piscis & hospes,  
Nisale conditus sit piscis, & hospes amicus.  
Turpius eiicitur quam non admittitur hospes.  
Afsideat foribus non inuitatus honeste.*

*Hospes qualis debet esse.*

*Hospicii rector semper sit fortis vt Hector, Vide 113  
Vt Iob sit paciens, vtque Sibilla sciens.  
Inque domo alterius tu hospes ne sis curiosus,  
Quod iubet hospes agas si vis euadere plagas.*

*Regula bursalis.*

*Regula bursalis sit cuncto tempore talis:  
Fercula fer tecum si vis læc sumere mecum.*

*Hostis.*

*Plus nocet vt nostis ad cuncta domesticus hostis.*

*Minimus hostis non contemnendus.*

*Quantumuis humilem nunquam neglexeris hostem,  
Enecat ingentem vipera parua bouem,  
Corporis exigui vires contemnere noli*

*A cane*

*A cane non magno saepe tenetur aper.*

### Humilitas.

Regina verè maxima  
Virtutum humilitas omnium,  
Et omnia superbia  
Radix malorum pessima.

Quanto sublimiores sumus tanto nos  
submissius geramus.

*Cum fueris maior cunctis te crede minorem,  
Nam sic a cunctis magnum portabis honorem.*

Humana omnia vana.

*Quod breuiter durat, quis prudens querere curat.*

### Hospes.

*Est hospes tractans, & qui tractatur ab illo.*

### I A C T A N T I A.

*Te modicum iacta quoniam probat exitus acta.  
Sermo datur cunctis, animi sapientia paucis,  
Semper inest stulto stolidæ iactantia mentis.*

### Indoctus.

*Quicquid Aristoteles sublimi mente reuoluit,  
Clericus indoctus per verbum NESCIO soluit.*

### Ingenium.

*Ingenio polet cui vim natura negauit.*

Inge-



## Ingenium vires superat.

*Ars animum frangit, firmas ars destruit vrbes,*

*Arte cadunt turres, arte leuatur onus,*

*Quicquid spectatur mundo hoc ex arte paratur,*

*Nam solet ars dominum saepe iuuare suum.*

## Ingenio magis quam libris innitendum.

*Cordi non chartæ tradas quæ noueris arte,*

*Nam si charta cadit, mox tota scientia vadit.*

## Vel sic.

*Qui multos versat libros, nec perficit arte,*

*Tanculus in mediis stat sitibundus aquis.*

## Ingratitudo.

*Turpius ingrato mundo nil credite toto*

*Cui si quis dederit protinus omne perit.*

## Ingratis quicquid datur &amp; canibus

perit omne.

*Ingratis, senibus, pueris, mulieribus haut des,*

*Si dederis quicquam pro certo credito perdes.*

*Sunt homines humeris nam quos si quis portet ad  
urbem,*

*Gratia præteriti nulla laboris erit.*

*Quod facis ingrato certo perit undique fato.*

## Iniuria.

Pulue-

*Pulvere qui ledit, sed laesus marmore scribit.*

*Diu recordamur boni, mali diutius.*

*Quisque boni meminit sat longo tempore facti  
Longior ipsa mali fit sed memoratio damni.*

### Interrogatio.

*Sepe fit ingratus qui querere multa paratus,  
Tu vero pauca petas gratus ut esse queas  
Per cunctatorem fugito, nam garrulus idem,  
Sepe fit ingratus qui sine fine rogat.*

### Infamia.

*Illos deuita quos infamat mala vita.*

### Item.

*Sol mane primo prodiens, mulier latina garriens,  
Vinoque pastus pusio, raro decore finiunt,*

*Falsum probrum non perueniat ultra  
aures.*

*Si decus est morum ne cures verba malorum.*

*Si non morderis, cane quid latrante vereris?*

*Non est remedium aduersus morsum  
Sicophantæ.*

*Lingua cito ledit, sed lesio non cito cedit,*

*Os, ho-*



Os, hostis, raro loquitur bona non sibi charo.  
Scindit ventosa gladio plus lingua dolosa.  
Qui mea post terga loquitur mordacia verba,  
Vt linguam vellem perderet ille suam.

## Inuidia.

Inuidus alterius rebus marcescit opimis,  
Solaque perniciēs inuidus ipse sibi.

## Inutile.

In mundo duo sunt quæ nil abscondita prosunt;  
Fossus agro census, latitans sub pectore sensus,  
Inutile est vere pondus quoque fœmina terræ,  
Nam (testor fata) est fruges consummere nata.  
Nil valet in bellis vir inermis, vt absque libellis.  
Clericus est mutus, licet ingenio sit acutus.

## Ira obcæcat animum.

Impedit ira animum ne possit cernere verum,  
Tu diram compesce iram parit illa furorem

Iraſci noli temere nil fœdus ira.  
Res loquitur diras cum quis fœnaescit ob iras,  
Dum canis os rodit, socium quem diligit odit.

Ira extincta non accendatur iterum.  
Irritare canem noli dormire volentem,

*Nec moueas iram post tempora longa latentem.*

*Non facile cuique irascendum.*

*Multum delirassi cunctis porrigis iras.*

*Ira facile frangitur.*

*Frangitur ira grauis cum fit responsio suavis*

*Et lis accrescit dum stultus cedere nescit.*

*Iras sustollis si sit responsio mollis,*

*Mollificat diram responsum mollius iram.*

*Amantium iræ amoris reintegratio.*

*Ira perit subito quam mouit amicus amico.*

*Iudex qualis debet esse.*

*Iudicis est recti nec munere, nec prece flecti*

*Iudex æquus erit qui æquum non munera quarit*

*Item.*

*Percipe festinus, percepta edisere tardus,*

*Si vis ut iudex constituare bonus.*

*Iuramentum.*

*Nondum dico peracta iuramenta coacta.*

*Ius, Iurisconsultus.*

*Dat Galenus opes, dat Iustinianus honores,*

*Solus Aristoteles cogitur ire pedes.*



Fasciculus

Vel sic.

49.

*Dat Galenus opes & Sanctio Iustiniana,*

*Ex aliis paleas, ex illis collige grana.*

*Vir bonus est plurius quam tota scientia Iuris.*

Iuuentus.

*Transit sine breui iuuenilis flosculus aui*

Iuuentus ventus.

*Imberbis iuuenis tandem custode remoto,*

*Gaudet equis, canibusque, & aprice gramine campi,*

*Cereus in vicium flexi, monitoribus asper,*

*Vtilium tardus prouisor, prodigus aeris,*

*Sublimis, cupidusq; & amata relinquere pernix &c.*

*Iuuentus aptissima ad studia pertra-  
ctanda.*

*Disce puer tenero dum flos tibi floret in auro,*

*Nocte diuque caue tempus consummere praue,*

*Iuuenilis ætas irreuocabilis.*

*Vtendum est ætate, cito pedelabitur ætas,*

*Nec bona tam sequitur, quam bona prima fuit.*

Ieiunium.

*Tu ieiunabis frustra si scelus amabis,*

*Hic bene ieiunat qui se de crimine nudat.*

D 2

Inui-

## Sententiarum Rhythmicarum.

Inuifere, vifere.

*Visitat infirmum, sed sanum inuifit amicum.*

L A V S.

*Qui sese laudat laudis se munere fraudat*

Laus propria fordet.

*Ne laudes quia laus proprio sordescit ab ore,  
Sese & vicinos habet vndique prauos.*

Labor.

*Aggrauat ille labor quem præmia nulla sequuntur.*

Dij laboribus omnia vendunt.

*Magnus honor magno plerumq; labore paratur,  
Absq; labore nihil dignum reperitur honore.**Ipse laborato, faciem sudore lauato,  
Sic Deus & taurum tibi sic donabit & aurum.*

Qui laborat manducet.

*Pabula fac habeat sonipes dum fessus anhelat,  
Namq; suo vigil est digna catella cibo.*

Ultra vires nihil tentandum.

*Hoc attentabis fieri quod posse putabis  
Displicet ille labor sub cuius pondere labor.  
Quo minime reris de gurgite pisce frueris.*

Lectio.



Fasciculus

Lectio.

51.

*Lectio conseruat studium simul atq; gubernat.*

*Lectio lecta placet, decies repetita placebit.*

*Dentibus attritas rursus bos ruminat herbas,  
Sapius vt tritæ sint optima pabula vitæ:  
Sic documenta tui si vis retinere magistri,  
Sæpe recorderis dictis tibi tradita veris,*

Lex.

*Vt pax seruetur legis moderamen habetur.*

*Lex pro malis statuta tantum.*

*Legum edicta viris non sunt metuenda probatis,  
Illa vocant tantum sub sua iura malos.*

*Leges modo pauperes obligant Domini  
parcunt.*

*Irretit muscas, transmittit aranea vespas,  
Sic lex non Dominos sed tantum punit egenos.*

Libido.

*Alea, vina, Venus, loculos prædantur & ædes,  
Talia si quæris, credito pauper eris.*

*Qui plus quam satis est pascit sua corpora laute,  
Efficiet vt sint luxuriosa magis.*

D 3

Lin-

## Lingua.

*Lingua in consilio valet, in certamine dextra.*

*Lingua mala multa incommoda dat.*

*Qui nimium fatur, stultissimus esse probatur,*

*Qui cupit ut sapiat, dicere pauca sciatur.*

*Lingua malum quo non alia danda minus ullum.*

*Que mala dum garrat, pessima quæq; parit.*

*Querit aquas in aquis, & poma fugacia captat*

*Tantalus, hoc illi garrula lingua dedit.*

## Loquacitas.

*Qui loquitur multa, hic sæpe adfert verbula stulta.*

*Fælix est quisquis dicenda tacendaq; ca-  
lit.*

*Nec nimium taceas, nec verba superflua fundas,*

*Sed medium teneas, quo bene semper eas.*

## Loqui parum sapientis est.

*Pauca loqui, sua verba coqui, vult prouidus, ô qui*

*Talibus asuescit summa cum laude senescit.*

*Qui bene vult fari, bene debet præmeditari,*

*Raro charus erit qui profert omnia quæscit.*

*Fac bene, dicq; parum, si vis te reddere charum,*

*Fac male, dic multum, si vis te reddere stultum.*

Qui



Qui dicit quæ vult audiet quæ non vult.

Os qui non claudit, quæ non vult sæpius audit. *Et*

Ex lingua stulta veniunt incommoda multa.

Lucrum.

Ad lucrum mores multi sunt non ad honores.

Lucrum paruum non fugiendum.

Qui plus exponit plus lucri sæpe reponit,

Qui lucra lenta fugit, damna repente subit.

Ludus.

Nox, ignis, ludus, nunquam satis esse fatentur,

Ludere qui nescit, lusum spectando quiescit.

Lupus.

Si lupus est agnum, non est mirabile magnum.

Item.

Dum lupus in laqueo, monachus bonus esse volebat,

Dum lupus ex laqueo, monachus bonus esse negabat

Sic faciunt homines quando anxietate premuntur.

Labrum, Labium.

Labra virorum sunt, sed labia dic mulierum.

Lepus, Lepos.

In silvis lepores, in verbis quære lepores.

## MAGISTER.

*Eiicitur magnus paruo veniente magistro.*

Item.

*Ecquid in hoc toto miserum magis orbe magistro  
In senium pueros qui docet vsq; suum.*

Magnanimitas laudanda.

*Sis animo magnus, sis moribus agna vel agnus,  
Parcere subiectis scit nobilis ira leonis.*

Maiori cedendum.

*Cedere maiori non est pudor inferiori.*

Malitia.

*Sape mala accrescunt, cum paruis atq; senescunt.*

*Idem.* Omnes declinauerunt in malum.

*Iam fratrem, iam fallit filia matrem,*

*Iam socius socium, iam fallit amicus amicum,*

*Nullus in orbe status fædi modo criminis expers,*

*Vix poterisq; bonum in mundo reperire vel vnum.*

*Maioribus dignus parua non contemneris.*

*Dignus erit magno qui parua capit iubilando,*

*Carnibus est dignus qui bene mandit olus.*

Magnis



Magnis indignus est qui parua spernit.

*Dulcia non meruit qui non gustauit amara,*

*Paruum seruabis donec maiora videbis.*

Mendacium fugiendum.

*Menda-  
cium.*

*Non domus est pacis ubi regnat lingua loquacis,*

*Si cupias pacem linguam compeſce loquacem,*

*Verbsilites fili clarissime vites,*

*Si quis amat pacem ſocium fugit ille loquacem.*

Non eſt eiſdem & multa, & oportuna  
dicere.

*Dico prudentes homines non multa loquentes,*

*Debet pauca loqui qui vult urbanus haberi.*

Nam,

*Qui nimium ſatur, ſtultiſſimus eſſe probatur,*

*Qui ſapit, ille parum garrulitatis habet.*

Multa loquenti non facile credendum.

*Illi credatur nunquam, qui plurima ſatur.*

*ſepe loquens multa hic loquitur mendacia ſtulta.*

Tacenda loqui laudabile non eſt.

*Vas illud futile eſt quæ nulla receptio claudit,*

*Sic homo ſit futilis diuulgans omne quod audit.*

Vel sic.

Pondo valens graue fit, verbosum sine clauē  
Raro charus erit diuulgans omnia quæ scit.

*Mend* Mendacium nonnullis est commune.

Sunt homines trini: Domini, vates, peregrini;  
Qui commendantur quamuis mendacia fantur.

Artificibus & mercatoribus est commune.

Ni mentiatur artifex,

Frigebit eius actio.

Item.

Omnis mercator reperitur fraudis amator.

Medicina Medicus.

Magnis in morbis medico premittitur orbis.

Sed cum conuauit nil numerare cupit

Nonnullus medicus melior quam fidus amicus.

Medicina certa pro fanitate conseruanda.

Hæc tria si medici desint, medicamina fac sint:;

Libera mens curis, fercula parua, quies.

Item.

Si vis incolumem, si vis te reddere sanum,

Curas tolle graues, irrasci crede profanum.

Gene-



## Generalis medicorum Regula.

*Sit medicis semper generalis regula talis?*

*Ut dicant da, da, dum dicit languidus: ach, ach.*

Item.

*Accipe quando dolet, languor dum conficit aegrum,  
Exemptus morbo nil numerare voler.*

Morbus, valeletudo aduersa.

*Non intellecti nulla est curatio morbi.*

*Infirmiores homines plerumq; sanis diu-  
tius viuunt.*

*Stant infirma diu, subito robusta labescunt.*

*Longius inualidi viuunt sapissime catti.*

Remedia pro valetudine conseruanda;

*Ieiunes, vigiles, calcas, multumque labores,*

*Sit modice calidus quem placet esse cibus,*

*Indulgere caue cyathis, animumque coerce,*

*Si cupis ex morbo reuma fugare tuo.*

Mensa.

*Bacchus Rhenensis decus est & gloria mensis.*

*Omnis mensa male ponitur absque sale,*

*Deterius vero ponitur absque mero.*

Conuenit in mensa te meminisse Dei.

*Cum sis in mensa, primum de paupere pensa,*

*Tum bene prandetur, cum Christus adesse videtur*

Pro

## Sententiarum Rhythmicarum.

**Pro tarde venientibus ad mensam.**

*Qui faciendo moram prandendi negligit horam,  
Vel male prandeat, vel sedis honore carebit.*

**Mercator.**

*Non est mercator nisi sit precii mediator.  
Rarus mercator qui non sit fraudis amator.*

**Meretrix.**

*Vt vigilent homines surgunt de nocte latrones,  
Opprimit incautos meretrix ita turris amantes.  
Meretrices pauperem hominem efficiunt.  
Ædificat raras sibi vir meretricius ades,  
Exhaurit loculos luxuriosus amor.  
Scorto nemo placet nisi dexteram munere placet.  
Adsunt a nullo minus, meretrixq; vocati.*

**Metus.**

*Mortis lingue metus si tu vis vivere letus.*

**Mensis.**

*Quid quouis mense agatur.*

*Pocula Ianus amat, sed Februus algeo clamat.  
Martius arua fodit, sed Aprilis florida prodit,  
Flos & frons nemorum sunt Maius fames amorum,  
Dat Iunius fœna ast, Iulio resecatur avena,  
Augustus spicas, September colligit vvas,  
Seminat October, plantat virgulta November.*

*Quæ*



Querit habere cibum porcum mactando December.

Prognostica aliquorum dierum in anno.

Clara dies Pauli bona tempora denotat anni,  
 Si fuerint nebulae, pereunt animalia peste,  
 Si fuerint venti, designant praelia genti,  
 Si nix vel pluuia, designant tempora cara.

Item.

Si pluit in festo processus Martiniani,  
 Quadraginta solet continuare dies.

Miles.

Nulla fides pietasq; viris qui castra sequuntur.  
 Militibus, medico, fas est occidere ludo.

Stultus miles qui sua calcaria obliuiscitur.

Stultus qui les mi, calcaria viscitur obli.

Minæ.

Si mori arde minis, asini tumulabere bombis.

Qui iacit apud minas, non est pugnare  
 paratus.

Non omnis pugnat miles qui fortia clamat,  
 Sæpe minus faciunt homines qui magna minantur,  
 Nec stillant omnes quas cernis aere nubes.

Miser.

Dulcius est miseris alienis viuere terris,  
 Gaudia sunt miseris socios habuisse doloris.

Est

*Est misero peius derisio quam dolor eius.*

### Modus, Moderatio.

*Est modus in rebus sunt certi deniq; fines,  
Omne nocet nimium, mediocriter omne gerendum.*

*Omne nimium vertitur in vicium.*

*Displicet immodicum, dantur mediocria laudi,*

*Mel nimium non mel, sed magis esse putes.*

*Carum vite putes, rursum contraria mutes,*

*Sic nec avarus eris, nec egenus iure videris.*

### Monachus.

*Imber descendit monachus dum pergere tendit.*

*Non decet ut monachus vadat sine compare solus*

*Qualis debeat esse monachus.*

*Ut valeas esse monachus tibi crede necesse;*

*Rostrum coruium, dorsumq; geras asininum,*

*Osq; columbinum, cor ouinum, crusq; bouinum.*

*Ludere cum talis non est res spiritualis.*

### Mores hominum.

*Ex verbis fatuus, pulsu cognoscitur olla,*

*Noscitur ex propriis moribus omnis homo.*

### Regula vitæ.

*In templo fac sis humilis, campoq; virilis,*

*In lusu lætus, in mensis esto factus,*

*Disce bonos mores sic te comitentur honores.*

*Vlulacum lupis.*



*Si fueris Romæ, Romano viuito more,*

*Si fueris alibi, viuito sicut ibi.*

*Terræ ad quam pergis cape mores quos ibi cernis.*

*Consonus esto lupis cum quibus esse cupis.*

*Multa facere simul non debemus.*

*Pluribus intentus non est ad singula sensus,*

*Est vnum melius voluere sæpe librum.*

**Mors.**

*Mors mortis morti mortem nisi morte dedisset,*

*Calorum nobis ianua clausa foret.*

**Mors omnibus vna.**

*Regia maiestas, omnis terrena potestas,*

*Transiet absq; mora, mortis, cum venerit hora.*

*Certum crede, mori mors nulli parcit honori,*

*Omnes maiores mors occupat, atq; minores,*

*Mors nescit legem tollit cum paupere Regem,*

*Debilis & fortis, veniunt ad limina mortis.*

*Omnia mors tollit quam nulla potentia mollit.*

**Mortem optare malum, timere peius.**

*Summum nec metuas diem nec optes,*

*Morte repentina noli gaudere malorum.*

**Mors in recenti memoria semper facenda.**

**Ille**

*Ille sapit quisquis semper meditatur obire,  
Æternas quoniam penas in morte timendum.*

*Memorare nouissima & in æternum non  
peccabis.*

*Mors tua, mors Christi, fraus mundi gloria cali.  
Et dolor inferni, sint meditand. tibi.*

*Sis mortis memor, est hodie tibi vita superstes,  
Cras fortassis erit mors obeunda tibi.*

*Nudus egressus es de utero, nudus reuertea-  
ris in terram.*

*Nudus ut in terram veni, sic nudus abibo,  
Quid frustra sudor funera nuda videns?*

### Motus.

*Successiue fit motus.*

*Arbor per primum quamuis non corruic ictum  
Est arbor dura decies ferienda casura,*

*Gutta pluit, sic vnda fluit, sic flumina crescunt,  
Paucal. scis, si discere vis, sic multa patescunt.*

### Mulier.

*Femina præcluserit nobis caelestia regna.*

*Christus supremas fecit adire domos.*

*Mulierum proprietates.*

*Feminei sexus, hæc sunt insignia. flere,*

*Falle-*



*Fallere, mentiri, nere, tacere nihil.*

Item.

*Fæmina fallere, falsaq; dicere quando cauebit,  
Tunc pisces squamma, & mare fluctibus ante care-  
bit.*

*Fæminę longores capillos habent & bre-  
uem sensum.*

*Fæmina productos consuevit ferre capillos,  
Cur quia succinctis sensibus ille valet  
Sub longis tunicis brevis est animus muliebris,*

*Fæmina rarissima bona.*

*Fæmina rara bona est, at si sit bona digna corona.*

*Fæmina implacabilior ferâ:*

*Quatuor hæ pecudes: canis, vrsus, simia cattus,  
Mansuescunt hominum scelerate satis,*

*Fæmina nulla potest medio emendarier vlllo,  
Namque parum prosunt verbera, verba nihil.*

*Mulier sine verberibus nihil valebit.*

*Nux, asinus, mulier. simili sunt lege ligata,  
Hæc tria nil recti faciunt si verbera cessent.*

Vel sic:

*Nux, asinus, mulier, simul omnia continuata,  
Non faciunt fructum nisi sint bene combaculata.*

E

Fæmi.

## Fæmina garrula.

*Rana tres, & anus totidem, tres insuper aucta,  
Possunt immensum voce replere forum.*

## Fæmina astutius dedita.

*Dulcibus & modicis ornatur fæmina verbis,  
Splendidaq; astuto, producit pectore verba.  
Quæ speculum spectat, falsum male fæmina tractat.*

## Item.

*Fæmina dum plorat, dum rusticus ebrius orat,  
Dum luser iurat, nihil hæc deuotio durat.*

## Mulier peior Dæmone.

*Aspide quod peius? tigris, quid tigride? Dæmon;  
Demone quid? mulier, quid muliere? nihil.*

## Munus.

*Gratia nulla datur si munere munus ematur.  
Munera qui mittit sperat maiora remitti.*

## Munera placant animos.

*Munera crede mihi placant hominesq; Deosque  
Placatur donis Iupiter ipse datis.*

*Qui spernat munus non est ex millibus vnus.  
Da quandoque tuum si capis inde meum.*

*Qui das aliquid da læta fronte.*

*Qui mihi vult dare non debet dicere: quare?  
Sed dicat plene: dulcis amice tene,*

*Si det*



*Si des plorando, perdis tna munera dando,  
Late donantem diligit ipse Deus.*

*In illum qui accipit ab alijs munera & non  
remuneratur.*

*Vel tu redde vices, vel desine cuncta rogare,  
Dedecus est semper summere nilque dare.*

Item.

*Vos qui nulla datis & summitis omnia gratis,  
Vobis saluete duplicatur, tumq; valete.*

Mundus.

*Omnia sunt mundi quasi bula caduca rotundi,  
In pratis vt flos, sic perit omnis honos.  
Vt flos permagni sic transi t gloria mundi.*

Mutatio.

*Brumales tenebræ, fauor aulæ, cum muliere,  
Sicut vertebræ sunt inuertigine crebræ.  
Nil cito mutabis donec meliora videbis.*

Magnatum gratia mutabilis.

*Gratia multorum ad tempus lucet dominorum,  
Gratia magnatum nescit habere statum.*

Item.

*Ridenti domino, cælo ne crede sercuo*

*Ex facili causa dominus mutatur ut aura.*

*Gratia regalis non est res perpetualis,*

### Musca.

*Musca, canes mimi, sunt ad conuiuia priui,*

*Non inuitati veniunt prandere parati.*

*Non curat testudo muscas.*

*Si te contemnunt homines, te friuola dicunt,*

*Nil contra risus debes quam dicere: mihi sus.*

*Dum bene tu viuis ne cures verba malorum.*

*Manus manum lauat.*

*Vtraque mundatur dum palmâ palma lauatur.*

### Malua.

*Dixerunt maluam veteres quod molliat aluum.*

*Mamilla, Mamma, vber.*

*Mamillas vir habet, pecus vbera, femina mammas.*

## N A T V R A.

*Quod natura negat nil hoc suppleuerit vnquam,*

*Quod natura tulit, nemo negare potest.*

*Natura quemq; trahit ad sua iura.*

*Vulpes vult fraudem, lupus agnum, femina laudē.*

*Item.*

*Vncum se præbet quod curuum crescere debet,*

*Vrit*



*Vrit mature quoduult vritica manere.*

*Illos devita quos natura notauit.*

*Raro breues humiles vidi, longos sapientes,*

*Albos audaces nigros rufosque fideles.*

*Vix erit impensus sub magno corpore sensus*

*Hirsutus fallax, irascens, prodigus audax,*

*In rufa pelle vix est animus sine felle.*

*Multi non rubram sed habent cum crimine nigram.*

*Neccsitas frangit legem.*

*Ex legum & Regum temnit decreta necesse.*

*Nequam.*

*Nequam per verba & per odorem noscitur herba.*

*Quo quis nequior hoc fortunatior.*

*Quo nequam peior tanto sors est sibi maior.*

*Nam fauet ignavis sors, inimica bonis.*

*In angulo nequissimus.*

*Ipseloco nequam gaudet residere latenti,*

*Qui cito dignoscit nequam nequissimus  
ipse.*

*Nequior est nequam, qui scit dignoscere nequam.*

*Nobilitas.*

*Dum fodiebat Adam, filum ducebat & Eva,*

*Ec quis mortales nobilis inter erat?*

## Sententiarum Rhythmicarum.

*Si pater est Adam cunctorum, mater & Eva,  
Cur non sunt homines nobilitate pares?*

*Maxima nobilitas magno vult corpore  
claudi.*

*Est procerum vere procerum corpus habere,  
Quandoquidem magnos maxima quæq; decent.*

*Virtute decet non sanguine niti.  
Nobilitas nihil est nisi vas probitatis auita,  
In quo virtutum delitet omne genus.  
Non imitans cupide clarorum facta parentum,  
Immerito nomen nobilitatis habet,*

## Nomen.

*Sæpe datur nato varium nomen bene grato.  
Conueniunt rebus nomina sæpe suis.*

## Nouitas.

*Quæ noua sunt mox illa placent ac per bene profunt,  
Sed tum vilescunt cunctis quando illa senescunt.  
Dum clypeus splendet, super altâ fornice pendet.  
Sed dum vilescit, sub scamno sæpe quiescit.*

## Noua.

*Pistorum subeas rerum studiose nouarum,  
Tonforumq; domos, vise subinde molæ.*

Nun-



Fasciculus  
Nuncius.

*Festinus nimium caue nuncius esse sinistra  
Ingrataq; rei, grata regente refer.*

Nux.

*Frangere nucis tegmen si cupis esse nucem,*

O B L I V I O.

*Qui procul est oculis, procul est a lumine cordis,  
Quod fugit ex oculis fugit ex mente.*

*Me simul atque tuis oculis subduxero totum,  
Totus & ipse tuo pectore pulsus ero.*

Occasio.

*Quamprimum rapienda tibi est occasio prima,  
Fronte capillata, est a tergo occasio calua.*

Ocium.

*Ocia quisquis amat, vae, vae mihi, postea clamat.*

Ocium fugiendum.

*Vt mala deuities aliquid fac, ocia vites.*

*Ferrum vt rubigo consummunt ocia corpus,*

*Gutta cauat lapides, ocia fæda dies.*

## Ocium puluarum Diaboli.

*Ocia de vita si vis bona sit tibi vita,  
Desidia nam nil fedius esse potest.*

## Ocia dant vicia.

*Miles amat bellum, Venus ocia, cultor agellum,  
Ocia qui sequitur sine crimine vix reperitur.*

## Ignauos fortuna premit.

*Fructus non multus fit ager si non bene cultus,  
Dum dormit cattus nunquam sibi currit in os mus.*

## Officium.

*Cervisia coctor, tonsor, pistorg; manebunt  
Mundo stante suo semper in officio.*

## Oculus.

*Vult oculus nequam prius impleri stomachus quam.*

## Oculus custodiendus.

*Custodias oculum cordis nam ianua, nullum  
Vnquam exoptatur lumen quod non speculatur.*

## Monoculus.

*Si socium vis monoculum, iungas tibi nullum,  
Raro namque idem servat in ore fidem.*

Oscu-



## Osculum.

*Oscula cum summis quid tu nisi toxica summis.*

## Ops, opes.

*Quærit pauper opem, quærit auarus opes.*

## P A C T V M.

*Præcedens pactum bellandi disiclit actum.*

## Pacientia, pati.

*Omnia ferre cupis necesse est ut paciens sis,  
Vincere non poteris nisi paciens fueris.*

## Pacientia vincit omnia.

*Pauperior census non sit turbatio sensus,  
Nulla valet tantum virtus patientia quantum,  
Quam pateris digne penam, paciare benigne,  
Quod pateris morito patienter ferre memento.*

## Panis.

*Non vetus aut calidus præstet tibi fercula panis,  
Sit fermentatus, sit pariterque levis.  
Caseus & panis sunt optima fercula sanis.*

## Omne homini natale solum.

*Si vis laudari, si visque propheta vocari,  
Ex propriis oris ito, maneto foris.*

## Parentes.

*Nestoris annosi viuat feliciter annos,  
Auctores vitæ qui reuerenter amat.*

## Parentes audiendi.

*Audit carnificem nolens audire parentem,  
Audiet hic vitricum qui patrem spernit amicum.*

## Parsimonia, Parcus.

*Parca manus, labor assiduus, designat habere,  
Larga manus, labor insolitus desistit habere.  
Si seruas quod habes commendant te sapientes,  
Pluraq; si quæris, cunctis haut gratus haberis.*

## Pæna.

*Ni castigetur-petulans mox clunis habetur,  
Verberibus tactus probus est, virgaq; coactus.*

## Pænitentia.

*Qui nunquam cecidit quis talem surgere vidit?*

## Nullum scelus impune abibit.

*Stat scelus occultum, sed non remanebit inultum,*

*Ultio iusta Dei digna refunder ei.*

*Sæpe suum proprium fecit puer ipse flagellum,*

*Sæpe suis manibus pro se virgamq; parauit.*

Virga



Virga corrigit pueros.

*Currere cogit equum sub milite calcar acutum,  
Sic faciet pueros aspera virga bonos.*

Pro malo nunquam bonum recipietur.

*Qui mala facta facit nunquam bona premia habebit,*

*Quod serimus metimus, quod damus accipimus*

Peccatum.

*Oderunt peccare boni virtutis amore,*

*Oderunt peccare mali formidine pene.*

Nemo sine crimine vivit.

*Status tam Sanctus nullus toto orbe repertus*

*Quin habeat multos sustineatq; malos*

*Sola Dei soboles visus sine crimine Iesus,*

*Huic fuerat nullus visus in ore dolus.*

Ignorantia non facit peccatum.

*Dignior est veniâ erroris qui inscius errat,*

*Quam si quis facinus turpe scienter agat.*

Scelus alterius non puniens permittit  
peccare.

Cum

*Cum quis delinquit (ceus Paulus Apostolus inquit)  
Qui consentit ei, fit reus ipse rei.*

**Modus vitandi peccatum.**

*Corrige præteritum, præsens rege, cerne futurum.*

**Paupertas, Pauper.:**

*Impiger extremos currit mercator ad Indos,  
Per mare, pauperiem fugiens, per saxa, per ignes.*

**Pauperis Deus non obliuiscitur.**

*Nemo adeo pauper, rerum tam nullus egenus,  
Quin cito dicetur si velit ipse Deus.*

**Pauperum opus nos esse memores.**

*Pauperis in causâ non auris sit tibi clausa,  
Nomine sub Christi promptus largire petenti,  
Si nummos non des, ne bona verba neges.*

**Pauper ab omnibus spernitur.**

*Nulli charus eris si copia defficit æris,  
Pauper ubique iacet, dum sua bursa tacet.*

**Pauper superbus odiosus hominibus.**

*Sunt tria quæ vere Salomoni displicuere:  
Os mendax, fatuusque senex, pauperque superbus.*

Pecu-



## Pecunia.

*Copia nummorum trahit ad se corda virorum.*

*In terrâ nummus rex est super omnia summus.*

*Pecuniæ obediunt omnia.*

*Nummus honoratur, sine nummo nullus amatur,*

*Qui modo ditatur nummis, is concelebratur.*

*Bursa referta reos soluit, peccata relaxat,*

*Aessonat, urbs plorat, vir humatur, præbiter orat,*

*Leônem lena non diligit absque crumena.*

*Nummus in exilio comes optimus est peregrino.*

## Placere.

*Si cupis ut placeas cunctis, probusque vocari,*

*Talem te præsta qualem te poscis haberi.*

*Ne Iupiter quidem omnibus placet.*

*Multum deliro si cuique placere requiro,*

*Cuncta qui protulit hac sine dote fuit.*

## Periculum.

*Nemo morâ tardet paries cum proximus ardet*

*Felix qui cautus de aliena sorte coactus.*

## Piscis.

*Si pisces molles sunt magno corpore, tolles.*

*Si pisces duri, parui sunt plus valituri.*

Poten-

## Potentia.

O quam dulce foret toto mundo dominari,  
 Si mors non posset dominantibus insidiari;  
 Servus testatur, quod felix qui dominatur.

Qui potens est scias potentia vti.

Vir videas quid nam iubeas dum magnus haberi;  
 Respicias quem despicias dum ledere quæris;  
 Provideas ne forte cadas dum stare videris,  
 Dat varias fortuna vias mox ire iuberis.

## Posse.

Hoc attentabis fieri quod posse putabis.

Deus ad impossibilia non obligat.

Ultra posse viri non vult Deus vlla requiri,  
 Disce bonum fari, bona si nequeas operari,

Non omnia possumus omnes.

Diuersis diuersa valent medicamina morbis,  
 Ingenio plenus vix viribus extat egenus,  
 Præualet in verbis qui non est fortis in armis.

## Potus.

Si mihi das potum cenâ, das mihi totum.  
 Non bene prandeat potu, quicumque carebit,

Qui



Qui mihi dat cenam sine potu, dat mihi penam.

Pocula multos e viuis sustinerunt.

De multis cyathis multos periisse sciatis.

Fluit melius post pocula sermo.

Post sumptum vinum loquitur mea lingua latinum,

Cum bibo bis, vel ter, sum qualibet arte Magister,

Post vinum verba, post imbrem nascitur herba,

Post studium scire, post oia saepe perire,

Post florem fructus, sequitur post gaudia luctus.

Qui bona vina bibunt vates, bona carmina scribunt.

Item.

Herba magis crescit pluuiis dum terra madescit,

Fit magis ex hausto lingua diserta mero.

Medicina contra nimium potum.

Si perfusa mero fuerint tua tempora sero,

Summito mane meri pocula, sicut heri.

Præstantiora meliora.

Si fueris quarum diuisor particularum,

Scias hanc artem, meliorem sumere partem.

Preces.

Qui pius implorat Christum, feliciter orat.

Probi-

## Probitas.

*Osque manusq; tuas serua, & genitalia membra,  
Sic transire locos poteris quoscunque remotos.*

## Prodigalitas, profusio æris.

*Qui sua demergit, mendicus ad ostia pergit,  
Perditur exiguo quod partum est tempore longo,  
Res quesita mora, parua consummitur hora.*

*Facilius est collecta dissipare quam con-  
gregare.*

*Nummorum magni tarde cumulantur acerui  
Sed poteris lectos dilapidare breui.*

## Promissio.

*Regia crede mihi res est promittere multa,  
At præstare fidem rusticitatis opus.*

*Bis non spondebis quod mox præstare vadebis*

*Melius est non promittere qua promissa  
non præstare.*

*Res mala res stulta est, dare nil, promittere multa.*

*Non mihi promittas si dare tu nequeas,  
Nil dare, & ingentes auri promittere montes,*

*Dicitur hanc par in criminis esse nota.*

## Providentia.

Resp-



*Respice ventura vt post hac non sit tibi cura.*

*Præuisa iacula minus feriunt.*

*Ne tibi quid desit præuisio prouido præsit,*

*Tella nocent leuius visa volare prius.*

### **Pudicitia.**

*Prima pudicitia est in iuuenili corpore virtus.*

*Pulchra pudicitia est virtus, qua haut pulchrior  
vlla.*

*Lis est cum firma magna pudicitia.*

*Vix poteris aliquam pulchram reperire pudicam,*

*Rarus erit pulcher qui non sit factus adulter.*

### **Pudor, verecundia.**

*Post peccata pudor predest, post balnea sudor.*

*Virtutis florem perdis perdendo pudorem.*

### **Pueritia.**

*Transit sine breui puerilis flosculus æui.*

*A teneris consuescere multum est.*

*Liquoris primi referunt noua vasa saporem,*

*Quod noua testa capit, inueterata sapit.*

*Pueri mane surgant & studeant.*

*Sero puer noti subeat sibi lintea lecti,  
 Illaque sollicitus deserat ante diem,  
 Hinc oret, ligat, addiscat, canat utile tractet,  
 Et studii curis usque peritus erit.*

## Puella.

*Munera lasciuas corrumpunt saepe puellas,  
 Quasque preces nequeunt flectere, dona queunt.*

## Pabulum, Pascuum.

*Pabula sunt hominis, sed pascua dic animalis.*

## Parens, Parire, Parere.

*Non sum prole parens, non sum nisi parco parens.*

## Pater.

*Est pater hic curâ, pater est alius geniturâ,  
 Hic pater ætate, ast pater ille vocatur honore*

## Populus.

*Populus est arbor, populus collectio plebis.*

## Pluuia, nimbus, imber.

*Dum pluit est pluuiâ, & nimbus nubibushæret,  
 Dum tactu terras imbuit, imber erit.*

## Puella, Virgo.

*Virgo pudicitiam notat, ætatemque puella.*



## QVÆRELÆ.

*Lata dies annos complet bis quinque querelis,  
Assiduo damnum, lignum, crescuntque querelæ.*

*Quæ supra nos nihil ad nos.*

*Ad secreta proli curas extendere noli.*

*Regi namque poli sunt omnia subdita soli.*

*Scire rudes quarunt quæ nulli nos docuerunt.*

## R A R A.

*Casta venustas,*

*Parca iuuentus,*

*Sana senectus,*

*Rara repertu.*

## Item.

*Femina nulla bona, & si sit bona facta vel vna,  
Nescio quo fato res mala facta bona est.*

## Rex, Regnare.

*Affectus moderare & eris rex magnus in orbe,  
Qui recte faciet non qui dominatur erit rex.*

## Regio.

*Femina casta securis acuta, cliensque fidelis  
Hæc tria Parisiis numquam vel raro videbis.*

## Variarum Regionum mores.

Bauarus incestat, Francus per numina iurat,  
 Omnis hipocrisat Misensis, Teutoq; potat,  
 Brithanus Dominum prodit, pugnatque Polonus  
 Litphau possunt multos tolerare labores,  
 Alec assatum Thuringis est bene gratum,  
 In curta tunica Saxo saltat quasi pica.  
 Parisius locus egregius, bona gens, bona villa,  
 Nam duo pastilla pro nummo dantur in illa.  
 Italus omnis amat, verum Hispanus bene fraudat,  
 Vititur & lacis prolongis Raura catellus.  
 His appone leues Sueuos, cunctosque Grifones.  
 Exceptis Italis, Belgis, Gallisque Polonis.  
 Iure potest dici barbarus omnis homo.

## Requies.

Stare diu nescit qui non aliquando quiescit  
 Mens tranquilla facit vis maior corporis ut sit

## Rifus.

Rifus rarus sit, quod si modus illius absit,  
 Indicium stulti hoc quod sit, dicent tibi multi.  
 Ne ride solus, nam rifus solius oris,  
 Par uis vel stultus reputabitur omnibus horis.  
 Per rifum multum facile est cognoscere stultum.

Vel



Fasciculus

Vel sic.

Qui se se solo recreat crebroque cachino,  
Vel nil mentis habet, vel mala corda fouet.

Rusticus.

Vngentem pungit, pungentem rusticus vngit,  
Rustica gens est optima flens, sed pessima gaudens.  
Nec prece nec lacrymis gens exoratur agrestis,  
His siquidem admotis intumet illa magis.

Ruta.

Nobilis est ruta quia lumina reddit acuta,  
Cruda comesta recens oculos caligine purgat,  
Ruta viris venerem minuit, mulieribus addit.

Requies, Pax.

Pax adsit viuis, requies aeterna sepultis,

Rusticus, Villicus.

Rusticus a rure est, quoniam rus fit sibi curæ,  
Villicus a villa quia res disponit in illa.

## SACERDOTIVM

Sacerdos.

Te primum benedic, nam præsbyter ipse facit sic.

Sacerdos qualis debet esse.

Non quisquis capiti superaddit pilea raso,  
 Est cito censendus præsbyter esse bonus.  
 Non toga talaris monachum capitisue corona,  
 Sed pietas constans, integritasque facit.  
 Præsbyter Angelus est si vixerit ut sibi ius est,  
 Daemon erit potius si fugit esse pius.

Sacerdos non debet esse vxoratus.  
 Præsbyter vxorem qui ducit perdit honorem,  
 Amittit florem propter mulieris amorem.

Sacerdotum famuli pigri plerumq;  
 Præsbyterum famuli sunt omni tempore muli,  
 Dum comedunt sudant, frigescunt quando laborant.

Aduersarij elero.  
 Heretici, cattique, canes, si morte perissent,  
 Pax lepori, muri, præsbyteroque foret.

Sacrum.  
 Non vnclura rotam, nec tardat missa dietam.

Sacra celerius absoluenda.  
 Missa brevis, longa & farcimina, pinguis & offa,  
 Hæc bona sunt hyeme veluti vult vsus habere.

Vel sic.  
 Missam curtatam, longum farcimen & offam,  
 In carnis priuio concupit omnis homo.



*Salvia depellit ruta permista venenum*

*Cum qua si potes tutior esse potes,*

*Salvia confortat nervos manuumque tremorem*

*Auxilio cuius febris acerbafugit.*

*Item.*

*Salvia cum ruta faciunt tibi pocula tuta.*

*Adde rose florem minuentque potenter amorem.*

*Cur moriatur homo cui salvia crescit in horro?*

*Nam pro vi mortis non est medicina in hortis.*

*Salutatio.*

*Auriculae dulci gaudent pronomine molles,*

*Hoc sine si sapias nomine nulla vores.*

*Si tibi quis leto processerit obuius ore,*

*Exoptans vitae prospera cuncta tuæ,*

*Hunc bene velle tibi noli dubitare, vicissim*

*Corde tuo voces prome salutiferas*

*Modus alicui salutem propinandi.*

*Proficiat, prosit, conducat, sitque saluti.*

*Sapientia, Sapiens.*

*Non est crede mihi sapientis dicere Vivam.*

*Non est sapientis putare.*

*Se sapiens nunquam verbo excusare Putabam*

*A/solet, at bene quæ sunt facienda facit.*

Sapientia huius mundi stultitia apud Deum.

Omnis in humanis vana est sapientia rebus

Quæ non a summi mente profecta Dei,  
Ludit in humanis Diuina potentia vanis

Sathanas.

Præco venit Sathanæ quo non valet ipse venire.

Dæmon solus inops nam animæ est & corporis expers.

Saturari, satur.

Hospes ab hac mensâ fuerint dum viscera tensa,

Surgere ne properes, ni prius annumeres.

Impletus venter vult luxuriare libenter.

Non vult scire satur quid ieiunus paciatur.

In importunum hominem diutius mensæ  
affidentem.

Lusisti satis, edisti satis, atque bibisti.

Tempus abire tibi est cum me iam sic monuisti.

Scientia.

Laus aliquid scire, turpe est nil discere velle.

Multi scire volunt sed vere discere nolunt.

Multa sciendum sed pauca loquendum est.

Omnia scire licet, sed non licet omnibus vti,

Contrarium faciens, facit hic aduersa saluti.

Scientia anteit omnia in mundo.

*Colde*

Veilium semper perfecta scientia rerum,

Anteit ingentes totius orbis opes.

*Anteit*



*Ante it in mundo perfecta scientia cuncta,*

*Plus quam diuitias scire valere scias.*

*Quis diues? Sapiens, quis pauper? stultus inersq;*

*Si sapio, ergo breui tempore diues ero.*

*Qui se putat scire, non scit quomodo o-  
porteat scire.*

*Omnis homo nihil est aliquid qui se putat esse,*

*Est aliquid quisquis se putat esse nihil,*

*Doctus ait se scire nihil, se plurima narrat*

*Scire sed indoctus, scit prior, iste putat.*

### Secreta.

*Absque graui nullus retegat secreta periclo*

*Famineo (cum sit garrula lingua) gregi.*

*Secreta libenter scienti remedium.*

*Si seriem secretarum vis noscere rerum,*

*Ebrius, insipiens, pueri, dicent tibi verum.*

*Secreta non vnicuiq; reuelanda.*

*Non omni semper cordis secreta reuello,*

*Quod tribus est notum non est a plebe remotum.*

### Senex, Senectus.

*Prudens. consilio vetus est vir, tardus exundo,*

*Plus valet umbra semis quam gladius iuueni.*

*In senibus turpis res est libido.*

*Dico senem stultum, cuius Venus improba vultum*

*Vicit amore leni, stultitiaque breui,*

*Turpe senem vetitæ flagrare libidinis æstu,  
Turpe senex miles, turpe senilis amor.*

## Sensus hominis.

*Gustus & olfactus cum auditu, visio, tactus,  
Sunt sensus quinque hi, quorum peccata relinque.  
Est oculus varios discernens ipse colores,  
Auditusque sonos, tactus quoscunque dolores.  
Nasus fetores, nasus discernit odores  
Ast gustus solus scit noscere quosque sapores.*

## Seruitium, Seruius.

*Non habeas seruum mendacem, siue superbum.*

## Mercedem famulis solue cito.

*Si tibi seruerit quisquam da præmia, tecum  
Ne retinere diu cures, si diligis æquum.*

## Qualis debet esse famulus.

*Si seruire velis, humilis sis, atque fidelis.  
Prouidus, & comptus, patiens, & ad omnia prom-  
ptus.*

## Seni, mulieri, &amp; puero caue seruias.

*Ne famulare seni, puero, nuruumue cohorti,*

*Ne vis seruitium sit sine frugis tui.*

*Mors rapit atra senem, meriti obliuiscitur infans,*

*Ambiguam mulier possidet ipsa fidem.*

Deo



## Fasciculus.

Deo aliter & aliter homini inseruiendum.

*Sifamulare Deo poplitem curuabis vtrumq;*

*Sin homini, flexo sat facis alterutro.*

Seruire Deo, est regnare.

*Est plus ætereo regi quam viuere mundo*

*Hinc mors, vita illic non moritura venit.*

*Vive diu, sed vive Deo, nam viuere mundo*

*Mors est, vera meo viuere vita Deo.*

Seueritas.

*Non homo fit verus, qui vult nimis esse seuerus.*

*Ignoscas aliis multa, nihil tibi.*

*Triste rigor nimius, res est que remissio tristis,*

*Esto modus pænæ, sit modus & veniæ.*

*Odimus accipitrem soleat quod viuere raptò*

*Et pauidum solitos in pecus ire lupos.*

Signa.

*Signa pius vera non sunt mendacia mera.*

Signa mali hominis.

*Barba rubens, densisq; minus decorata capillis,*

*Est nota certa viri terque quaterque mali.*

*Intima per mores cognoscimus exteriores.*

*Sic dicunt gentes sequitur mala fama nocentes.*

Similitudo, simile.

*Omnis homo applaudit dum æqualem cernit & audit*

Partes

## Sententiarum Rhythmicarum.

Partes cum partibus facile commutantur.

*Eligit æqualem prudens sibi quisque sodalem,  
Omne suis animal paribus letatur adesse.*

Simplicitas, Simplex.

*Simplex sæpe dolum duplici sub pectore celat,  
Simplex apparet, simplicitate caret.*

Qui per mare currunt cælum non animum  
mutant.

*Parsisios si quis rugientem mittat asellum,  
Qui fuit hic asinus, non ibi fiet equus.*

Simia est simia etiamsi aurea gestet in-  
signia.

*Cinge caput lauro, tege gemmis corpus & auro,  
Si fueris pridem tu asinus remanebis & idem.  
Est in persona pudor insipiente corona.*

Simonia.

*Crimen auaritiæ dirumque nefas simoniæ,  
Regnat in Ecclesia liberiore via.*

Simulatio, Simulator.

*Omne genus pestis superat dissona verbis,  
Sub pelle agnina latitat mens sæpe lupina.*

Simulatio fæminis communissima.

*Fæmineo nil est fletu fallacius unquam,  
Flet riderque leuis famina quando libet.*

Sitis.



## Sitis.

## Remedia contra sitim.

Solis quando æstus tibi fit sudore molestus,  
 Arridaque immitis fecerit ora sitis,  
 Linque canis stellam, gelidam mox querito cellam,  
 Siccaq; sincero membra rigato mero.

## Sobrietas.

Præstat sobrietas vitæ ut sit longior ætas.  
 Sed facit ebrietas vitæ breuiare dietas.  
 Sume merum modice, modico natura iuuatur.

## Societas, Socius.

Non bonus est socius qui mandit omnia solus.  
 Noscitur ex comite is quæ non cognoscitur ex se.  
 Cum bono bonus eris, cum peruersero  
 peruerseris.

Surgit origo mali de turpi sæpe sodali,  
 Vnica praua pecus, inficit omne pecus.

## Item.

Talis semper eris consortia qualia quæris.

## Somnus.

Dormiet illæsus melius quam verberare cæsus.

Somnus meridianus fugiendus.

Surgens post epulas somnum fuge meridianum,  
 Aut brevis, aut nullus somnus sit meridianus,

Somnus  
 meridianus.

Hinc

*Hinc veniunt febres, capitis crebrique dolores.*

*Spes, Fiducia.*

*Spes laqueo volucres, spes captat arundine pisces,*

*Tandem expectando maiora senescimus omnes.*

*Spes alit, & fallit.*

*Cum spes frustratur non spes sed pœna vocatur,*

*Spes reficit dominum, fallit & ipsa suum,*

*Qui spes ipse sibi spe saepe labescis inani,*

*Dum spiro spero, sed dubito quis ero.*

*Stercora, fordes.*

*Res satis est nota, plus sordent stercora mota,*

*Sus magis in cano gaudet, quam fonte sereno.*

*Stultitia.*

*Latiferat stultum dives possessio multum,*

*Reddunt delirum, fœmina, vina, virum.*

*Nonnulla efficientia stultum sapiente*

*Fœmineæ fraudes, donumq; suave lyæi*

*Efficiunt stultum de sapiente virum.*

*Subditus.*

*Argenti quantum subiectus seruet in arca,*

*Non opus hoc domino prodat ut ipse suo.*

*Rusticus est felix & terque quaterque beatus,*

*Cui satis est panis, lardum nec defficit vuquam.*

*Superbia.*

*Cum bene pugnabis, cum cuncta subacta putabis,*



*Qua magis infestat vincenda superbia restat.*

*Honores mutant mores.*

*Mutantur mores quando comitantur honores,*

*Sepe solet census hominum pervertere sensus.*

*Magnarum comes est immensa superbia rerum,*

*Inquinat egregios adiuncta superbia mores.*

*Superbis Deus resistit.*

*Est verum verbum: frangit Deus omne superbum,*

*Vindicat elatos iusta ruina gradus.*

*Causæ ob quas homo extollitur.*

*Luxus opum, proles generosa, scientia, forma,*

*Bis duo sunt quo quis extollit se se sine norma,*

*Tu niuis extolli per prælia prospera noli.*

*Regi namq; poli sunt omnia subdita soli:*

*Quid superbis terra & cinis.*

*Vnde superbit homo cuius conceptio culpa,*

*Nasci pena, labor vita, necesse mori,*

*Quid miser elato turgescis homuncule vultu?*

*Cras eris in vili putre cadauer humo,*

*Surdus.*

*Surdo canitur fabula.*

*Surdo nemo duas præsumat psallere missas,*

*Cantio bis frustra surdas cantantur ad aures.*

*Sydera cælo addere.*

*Is mos est genti: panis præbetur habenti.*

*Queis satis est, his plura adsunt, his vndiq; fertur.  
Cui sunt multa bona huic tribuuntur plurima dona,  
Huic datur, huic emitur, pauper ubique iacet,  
Vndiq; per montes currunt ad flumina fontes.*

*Sal.*

*Sal doctum reddit, sal condit, sal reprehendit.*

*Securus, Securis.*

*Non sunt securi qui dant sua colla securi,*

*Sepire, vallare.*

*Vallamus proprie castrum, sapimus ouile.*

*Serus, Sera.*

*Fur obstante serâ non furta facit nisi sera.*

*Sitis, Fames.*

*Dura sitis, polando fames reparatur edendo.*

*Spurius, Manser, Nothus*

*Nothus adulterio natus, Manser meretrice,*

*De concubinâ spurius esse solet.*

## TACITVRNITAS.

*Dico prudenter homines per pauca loquentes*

*Melius est tacere quam loqui indecenter.*

*Sunt multo vanis meliora silentia verbis,*

*Perdo silere bonum, dum loquor ipse malum.*

*Pauca loqui sapientis est.*

*Sic linguam frena certa rationis habena,*



*Ne te confundat si verba superflua fundat.  
Fac bene, dicq; parum si vis te reddere charum,  
Fac male, dic multum, si vis te reddere stultum.*

*Multa loquens omnibus abominabilis.*

*Est puer ingratus mala qui garrire paratus,  
Parturit inuidia garrulitatis amor.  
Sæpe carent multa responsis verbula seulta,  
Quod facturus eris dicere distuleris.*

*Tempus.*

*Tempora mutantur, & nos mutamur in ipsis,  
Quam brevis est hora hæc quæ labat absq; mora.*

*Tolle moras celeres menses labuntur &  
anni.*

*Ne quod agas mora fugit annus, mensis, & hora  
Tempora labuntur nec hæc meliora sequuntur*

*Omnia suum tempus habent.*

*Est tempus fandi, standi est, & tempus eundi,  
Nunc dormire licet, nunc vigilare bonum est,  
Diuersis fiunt diuersa probantur & horis,  
Congruit hæc fatuis, congruit illa sophis.*

G

Hæc

*Hæc est hora loquenti & illa est apta tacenti,  
 Conuenit hæc pugna, conuenit illa fuga.  
 Omnia tempus habent, flebis dum tempora flendi,  
 Ride dum risum tempora læta ferunt.*

*Tempus omnia reuelat,  
 Quicquid nix calat, solis calor omne reuelat,  
 Quæ mala tecta latent, tempore cuncta patent.*

*Præteriti nullus reuocabit temporis horas.  
 Damna fleo rerum, sed plus fleo damna dierum,  
 Quisq; potest rebus succurrere, nemo diebus.*

### Testes, Testimonium.

*Inueniet falsos testes qui quæritat illos.*

*Testes facile muneribus corrumpuntur.*

*Inuenies passim cupidos qui munera poscunt  
 Coram iudicibus vera referre nolunt.*

### In testibus obseruanda.

*Conditio, sexus, ætas, discretio, fama,  
 Et fortuna, fides, in testibus ista requires.*

Terra.



Fasciculus

Terra.

97.

*Quicquid terra parit rursum putrescit in ipsa.*

*Terra nutrix omnium.*

*Terra feras capit, volucres agibilis aer.*

*Alti volans volucris tamen escam quærit in immis.*

Timor.

*Quattuor ista timorque odium, dilectio, census,  
Sæpe solent hominis rectos peruertere sensus.*

*Deus magis timendus quam homo,*

*Cum quis turpe facit mox me spectante rubescit,  
Cur spectante Deo non magis ille timet?*

*Vbi timor ibi & honor.*

*Quando puer crescit simul haut metuendo grauescit,  
Tunc sibi decrescit honor omnis quando senescit.  
Debet adesse timor, vel perit omnis honor.*

*Timidi non triumphant.*

*Non mare transisset pauidus si nauta fuisset,*

*Ranum quemq; timens malus est venator & amens,  
Nec venit ad siluam qui cuncta rubeta veretur.*

**Turpitude, obscœnitas.**

*Turpia nec patres, nec turpia mente volutes,  
Ipsemet ingenium fac vereare tuum.*

**Tranquillum, serenum.**

*Dic mare tranquillum, cœlum dic esse serenum.*

**V A N I T A S.**

*Offendit omnis optimum  
Rerum Parentem vanitas.*

**Venus.**

*Quid facies facies Veneris, cum veneris antè,  
Ne sedeas sed eas, ne per eas pereas.  
Curis arctatur qui Veneri associatur.  
Cum cerere & Bacho veneri solennia fiunt.*

**Veritas.**

*Verbum laudatur si factum tale sequatur.*

Veri-



## Veritas odium parit.

*Hic offendit herum qui vult nimis edere verum.  
Displicet onus hero qui vult intendere vero.  
Ostia clausa sera mihi sunt quia profero vera.*

## Vestis, vestitus.

*Quisq; mihi testis placeat mage quam modo vestis,  
Plus valet amictus mundo quam maxima virtus.*

*Vestes non homines omnis honorat homo.*

*In vili veste nemo tractatur honeste.*

*Si te non amicis, nunquam placebis amicis,*

*Plus valet ornatus mundo quam quisque beatus,*

*Hunc homines ardent cui vestimenta resplendent,*

*Sic careas veste nec sis vestitus honeste,*

*Nullius es laudis quamuis sapias omne quod audis.*

*Vestitus pomposus pauperes efficit.*

*Qui nimium cultus amat hic fit pauper adultus,*

*In vestimentis non est sapientia mentis.*

## Vetustas.

*Antiquus gladius, vetus atque fidelis amicus,  
Sint tibi pro muro cum stas in tempore duro.  
Antiquus bonus est medicus, tonsorque nouellus.*

## Vexatio.

*Est misero peius derisio, quam dolor eius.*

*Vexatio dat intellectum.*

*Nescit homo vere quid habet nisi cesset habere,  
Quæ pro parte nocent, plurima sæpe docent.*

## Victoria.

*Vinere cor proprium plus est quam vincere mundum.*

## Vicissitudo rerum.

*Quisquis non flebit dum flendi tempus habebit,  
Æterno luctu flebit post, sed sine fructu.  
Dum puer es serui si vis ut sint tibi serui.*

## Virgo.

*Virginis in cultum spectans, spectet quoque luctum  
Culta puella magis, casta puella minus.*

Virgo



*Virgo natura, quæ non nubit est ruitura.*

**Vires.**

*Tu vires metire tuas, si fortis es aude  
Gaudia, sin fragilis, tu humeris impone minora.*

**Nil vires supra.**

*Hoc attentabis fieri quod posse putabis,  
Displicet ille labor, sub cuius pondere labor,  
Non capit in templo nisi quod scit præbiter ample.  
Quod potes id tecum tentes, & viribus æquum.*

**Virtus.**

*Illustrem gentem satis hic habet atque parentem,  
Qui virtute suam nobilitat patriam.  
Scire bonos mores dat diuitias & honores,  
Donabit scire, & miseros cum regibus ire.*

**Virtus omnia in se habet bona.**

*Nulla valet vita nisi sit virtute polita,  
Vir sine virtute, hic manet absque salute.  
Dilige virtutem si vis retinere salutem.*

## Vita.

*Quid prodest homini si vivat secula centum,  
Cum moritur vitam transisse putat quasi ventum.*

## Vitæ hominis descriptio.

*Vita quid est hominis nisi res pallata ruinis,  
Tristis ad extremum sollicitudo diem,  
Vita quid est? labor est & habendi vana cupido.*

## Vita brevis &amp; momentanea.

*Est tua vita brevis, modo vivis cras morieris,  
Namq; hæc vita brevis transit ut umbra levis.  
Quod fuit, est, vel erit, perit articulo brevis horæ,  
Ergo nihil prodest esse, fuisse, fore.  
Vita brevis velut umbra levis sic annihilatur,  
Sic vadit, subitoque cadit dum stare putatur.*

## Vita humana plena doloribus.

*Fallitur insipiens vitæ presentis amore,  
Sed bene scit sapiens quantum sit plena dolore,  
Omnis in hoc mundo fragilis stat sicut arundo,*



*Itur quo scitur, nescitur quando reditur,  
Non valet absque suo vae, viuere filius Eue,*

### Vitanda homini.

*Inconstans animus, lumen vagum, & instabilis pes,  
Sunt tria vitanda huic de quo bona nulla mihi spes.*

### Vinum.

*Vinum da docto, laico de flumine cocto.*

### Vinum lætificat cor hominis.

*Mortales lætos vinum facit atque facetos  
Vinum dat festum, frigus conuertit in æstum,  
Lætificat mestum, miserum quoque reddit honestū,  
Vinum subtile facit in sene cor iuuenile,  
Sed vinum vile, hoc reddit iuuenile senile,  
Viuat in æternum qui dat mihi dulce falernum,  
Qui mihi dat villum, mala passio torqueat illum.*

### Vitia.

*Nemo nimis propere didicit nocitura cauere.*

## Vitia remonenda.

*Prorsus & absque mora vitium remouere labora,  
Mitte repente malum, consuetare relinquere durum.*

*Aliena vitia cernimus nostra á tergo sunt.*

*Si quis ab alterius visu vult tollere labem,  
A proprio primum detrahat ille trabem.*

*Nemo absque vitio aliquo.*

*Qui sint absq; Nisi non sunt homines mihi visi,  
Si Nisi non esset, perfectus quilibet esset.  
Omne bonum quod habes, contaminat unica labes.*

*Ut modum* Voluntas.

*Stat voluntas profecto.*

*Pauperis in mensâ vultum non fercula pensa,  
Dat pira dat poma hic, quia non habet alia dona.  
Accipe corde bono, quæ pauper munera dono.*

*Item.*

*Vt de-*



*Ne desint vires tamen est laudanda voluntas.*

*Volenti facile imperare.*

*Frustra est ducendus nolens procedere tardus,  
Quando libens graditur, crine vir attrahitur.*

*Volenti nihil difficile,*

*Hoc præstat leuiter, quod præstat quisque libenter;  
Inuitis canibus nil venator capit ullus,  
Bos ad aquam ductus non vult potare coactus,*

*Velle suum cuiq; est.*

*De morbo gaudet Medicus, de morte Polynctor,  
Miles equis, piscator aquis, & Clericus hymnis,  
Nauta fretis, pugiles morte, poetica metris:  
Quilibet in capite est crede ingenium speciale,  
Bos ad præsepe conatur currere sæpè.*

*Item.*

*Nauta de ventis de bobus narrat arator,  
Enumerat miles vulnera, pastor oves.*

*Vetus*

## Voluptas.

*Sperne voluptatem, pulchram cole sobrietatem.*

*Breue est voluptatis inhonestæ gaudium.*

*Nulla sors longa est, dolor, ac voluptas,*

*Inuicem cedunt, breuior voluptas.*

*Mille parit culpas crebro brevis una voluptas*

## Vox.

*Si vox est cantu, si mollia brachia saltu,*

*Et quacunque pores arte placere, place.*

*Vox audita perit litera semper erit.*

## Obstantia voci.

*Nunc, oleum, nudumq; caput, pomum quoq; crudum,*

*Vinum non paucum, faciunt super omnia raucum.*

## Vnum nihil.

*Vnus homo veram nunquam facit esse choream,*

*Solus quando datur, tunc nullus homo reputatur.*



## Vultus.

*Intima per mores cognoscimus exteriores.  
Vultu talis eris qualia mente geris*

## Vultus proditor animi.

*Est vultus testis quales intrinsecus estis.  
Te prodit facies, tu mala cum facies,*

Vxor.

*Qui capit uxorem, capit absque quiete laborem,  
Longum languorem, lachrymas, cum lite dolorem;  
Fœmina quem superat nunquam vivit sine pœna,  
Libertate caret durâ constrictus habena.  
Fœlices illi quos non capit illa sagena,  
Nam nisi mors veniat non rumpitur ista catena.*

F I N I S.







3  
Biblioteka Jagiellońska



stdr0018884

